

BOPAKI MO LEWATLENG

 Pele re inamiša dihlogo tša rena bakeng sa thapelo, ke tla rata go bala le lengwe la Lentšu la Modimo. Ka mehla ke rata go bala Lentšu la Gagwe; gobane mantšu a ka a tla šitwa, ke a motho, eupša Lentšu la Gagwe le ka se šitwe. Gomme lena bao le bolokago mehlala ya setsopolwa, le go ya pele, a re baleng go tšwa go Mateo tema ya 14, bošegong bjo, go thoma ka temana ya 22.

Gomme Jesu a akgofa a phegelela barutiwa ba gagwe go tsena sekepeng, le go ya pele ga gagwe ka mošola, ge a sa laelana le mašaba.

Gomme ge a laelane le mašaba, o rotogetše thabeng a nnoši go yo rapela: gomme ge...mantšiboa a swara, o be a le kua a nnoši.

Eupša sekepe bjale se be se le bogareng bja lewatle, se tšewatšewa ke maphoto: gobane phefo e be e le kgahlanong.

Gomme ka go tiišo ya bone ya bošego Jesu o tlide go bona, a sepela godimo ga lewatle.

Gomme ge barutiwa ba mmona a sepela godimo ga lewatle, ba ile ba tshwenyega, ba re, Ke moyo; gomme ba goeleditše ka lebaka la poifo.

Eupša Jesu o akgofile a bolela le bona, a re, Beang pelo; ke Nna; se boifeng.

² A re inamišeng dihlogo tša rena bjale bakeng sa thapelo. Ge dihlogo tša rena le dipelo di inamišitšwe pele ga Modimo, a go ne tlhoko ka moagong, bošegong bjo, yeo le ratago go e dira e tsebjie go Modimo, ka go phagamiša diatla tša lena, le go gopolwa thapelang? Morena a lebelele godimo ga lena, a re gaogele.

³ Tatawešo wa Legodimong, re tla bjale ka Bogeneng bja Gago, ka tsela ya Leina la Morena Jesu. Go tsebeng, ka tiišetšo ye e šegofetšego, gore O re tshepišitše, ge re ka "kgopela e ka ba eng" Leineng la Gagwe, gore O tla e fa go rena. Re leboga seo kudu. Mantšu ga a kgone go hlagiša ka tsela yeo re ikwago ka yona, ka tiišetšo yeo re nago, gore O re theeditše gonabjale.

⁴ O bone diatla tšela, Morena. O tseba se ba se hlokago. Wena o motsebatšohle, makgonatšohle, Modimo tlhokamagomo, gomme re tseba gore Wena o tseba dipelo tša batho. O tsebile dikgopololo tša rena. Ebile pele re ka tsoge ra hlolwa, O tsebile kgopololo ye nngwe le ye nngwe re tla tsogego ra ba le yona, gobane O tlhokamagomo.

⁵ Gomme re a rapela, Morena, mo iring ye, bjalo ka ge tlhologelo ya rena ke go Go obeletša, lebelela tlase go tšwa

Magodimong, Morena, gomme tšeela dikgopelo tša rena pelong ya Gago Mong, Morena, gomme o re arabe go ya ka mahumo a Gago Letagong. Re fe tlhologelo ya pelo ya rena, re tshepa gore ke thato Kgethwa ya Gago. Gomme re tseba gore ke go rata ga Gago go dira thato ya Gago.

⁶ Re fe tšhologelontle ye kgolo ya Bogona bja Gago, bošegong bjo, gape Morena. Fodiša balwetši. Phološa batimedi, tsoša bao ba hwetšego sebeng le dikarogong, gomme o ba tliše Bophelong bjo boswa, bošegong bjo. Anke re bone Jesu. Re e kgopela Leineng la Gagwe. Amene.

⁷ Le ka dula. Re maswabi gore ga re kgone go amogela batho, bakeng sa tekanyo ya madulo. Eupša, ge e sa le bošego bja mathomo, ba re ba gomišitše lešaba la batho, kafao re maswabi ka seo. Gomme Ngwanešu Grant ka nnete o no se kgone go hwetša kamora ye nngwe e agilwe, e ka ba, go... Ke a dumela ke go le letshadi moo a yago go šuthišetša karolo ye. Yo bohlokwa, ngwanešu yo bohlokwa lehono o mpotšišitše ge eba ke tla dira se selo sa ngwaga ka ngwaga, go bowa morago Dallas, go kereke ya gagwe. Taletšo ye kgolo boka yeo, mo iring ye, mola mejako e tswalelwā ka lebelo kudu, gomme gona monna o nyaka ke bowe morago le go dira selo sa ngwaga ka ngwaga, taba. Ke thabela seo.

⁸ Ke bile le nako ya kopanelo le bona mosong wo, le Ngwanešu Gordon Lindsay le bontši bja bona. Ngwanešu Pearry Green, yo e lego mothekgakamašeleng wa kopano ye e tlago tlase ka Beaumont, o dutše ka morago ga ka bošegong bjo. Le ba bantši, bagwera ba rena, Ngwanešu Don le mosadimogatša wa gagwe. Re thabile kudu go ba le bona fa. Modimo a ba šegofatše.

⁹ Bjale, bošegong bjo, feels... Ke be ke leka go dira Melaetsa ya ka feels bonolo ka fao e ka bago, gore ebile le ngwana a kgone go e kwešiša.

¹⁰ Gosasa morago ga sekglela ke tirelo ya boebangedi, gomme ke duma gore bohole le ka kgona go phalalela.

¹¹ Bjale ge le ne ditirelo dikerekeng tša lena beng, gobaneng, lena—lena dulang moo lena le—moo le beilwego gona. Ga re nyake le o tee a tlogole kereke ya bona beng, go... Gomme gona ge eba o babja gomme o nyaka go rapelelwā, gomme kereke ya gago e ne tirelo gosasa morago ga sekglela, bolela le modiša wa gago ka yona, gore a se nagane gampe, le a tseba. Anke a tsebe gore re fa go dirišana, go—go thuša Mmele ka moka wa Jesu Kriste woo o diiletšego fa ka Dallas le tikologong mabapi.

¹² Kafao, gosasa morago ga sekglela, ke a nagana, ka masometharo pedi, ke ya go bolela Molaetša wa boebangedi. Gomme morago re ya go rapelela bohole batho ba ba babjago, go topa dikarata tša thapelo tšohle le dilo tše di šiilwego go kgabola beke, le go ba rapelela bohole gosasa.

¹³ Bjale sehlogo sa ka bošegong bjo ke bontši boka terama ye nnyane, feela lebaka la dinakwana di se kae. Ke ya go leka go tsenela bontši bošegong bjoo ka moo nka kgonago, go go rapeleleng balwetši. Setsopolwa sa ka ke, “se boifeng, ke Nna,” Jesu a bolela. Sehlogo sa ka ke: *Bopaki Mo Lewatleng*.

¹⁴ Go swanetše go ba go bile e ka ba thari mo morago ga sekgalela, letšatši le swanetše go be le be le dikela ge se se direga, gomme bjale go swanetše go ba go bile go fiša boka go le fa.

¹⁵ Sefehlamoya se ntšhitšwe, gomme ba sa se lokiša. Ke ka lebaka leo ke fetotšego sehlogo sa ka go tšwa ntle fale, se ke bego ke yo bolela ka sona, gore ke kgone go potlaka ka sona, gore le se swanele go dula mo phišong ka mokgwa wo.

¹⁶ Motheadihlapi yo mogolo yo, ka morago ga go bona se a bilego le sona go kgabola letšatši, a be a bogetše Jesu ka go bodiredi bja Gagwe bjo bogolo.

¹⁷ Ke be nka rata go be ke phetše mo letšatšing lela, go Mo latela. Eupša, le a tseba, ke thakgetše ke sa ne monyetla wa go dira selo sa go swana, go Mmogela a dira dilo. Gomme ke mo gogolo go Mmogela lehono go phala go bile nako yela. Ke ne tumelo ye ntši ka go Yena bjale, gomme nka ba le tumelo ye ntši bjale go phala nkabe ke dirile nako yela, gobane re bile le mengwaga ye diketepedi go netefatša gore Ebangedi e lokile. Gomme ka morago ga mengwaga ye diketepedi, O sa phela, a dira feela se A se dirilego nako yela, kafao re ne tiišetšo ye kgolwane le motheo wo montši bakeng sa tumelo bjale go fetiša ba bile nako yela.

¹⁸ Gobane, O be a no ba Motho a eya gohle ka go tleleima gore—gore O be a romilwe go tšwa go Modimo gomme a le Morwa wa Modimo, le gore Modimo o be a hlatsela Lentšu la Gagwe le le tshepišitšwego la letšatši lela, ka Yena, gomme ba bile ka mokgwa wo mongwe le lebaka go e belaela. Baithutamodimo, ba be ba le! Gomme le a hlokomela e be e le selo sa go šokiša, se be se šokiša ka kgonthe, gobane bona baithutamodimo ba ka be ba dumetše Seo ge Modimo a ka be a se a foufatša mahlo a bona. Beibele e boletše bjalo.

¹⁹ Gomme afa le tsebile O tshepišitše gore O tla foufatša mahlo a bona gape lehono, gore ba ka se kgone go E bona? Ba tla ba “hlogothata, monagano wa godimo, barati ba boipshino go feta barati ba Modimo, babatasekgoro, dihwirihwiri, ba go se tsebe go itshwara, manaba a tše bolo; ba ne sebopego sa bomodimo, eupša ba tla gana Maatla a bjona.” Feela tlwa tshepišo thwi morago gape. Gomme o no se kgone thata eupša go no kwela batho boholoko, gomme mahlo a bona a foufaditšwe go letšatši le. Le ka Mangwalo ao Modimo a tshepišitšego gore a tla phethega thwi mo letšatšing le, ka iring ye, gomme re lebeletše thwi go yona le go e bogela. Gomme gona batho ba a lebelela, le go šikinya hlogo ya bona le go sepelela kgole, ba re, “Ga ke E

bone.” Ke selo sa go šokiša, eupša Mangwalo a swanetše go phethagatšwa. Go swanetše go ba ka tsela yeo.

²⁰ Kafao barutiwa ba ba be ba kgethilwe ke Modimo. Afa le hlokometše, Jesu o ba boditše, “Pele ga motheo wa lefase,” O ba kgethile, gomme ba be ba le peu ya Modimo e beetšwego. Ke ka lebaka leo ge mathata a rotoga, gomme batho ba bonagetše boka ba bile le Jesu khoneng, ka potšišo, ga se go be le potšišo go bona. Ga se ba kgone go e kwešiša, eupša ba be ba ikemišeditše go se tsebe selo gape eupša Yena. “Wena o nnoši o ne Lentšu la Bophelo.” Gomme ba be ba ikemišeditše go dula le Lona, gobane ba be ba beetšwe go ofisi yeo.

²¹ Gomme go bjalo lehono, gore banna le basadi, ba ba beetšwego go Bophelo bjo Bosafelego, ba tla tla go Bophelo bjo Bosafelego. “Bohle Tate a Mphilego ba tla tla go Nna.” Leo ke Lentšu la Gagwe, gomme leo le ka se šitwe. Ke—ke Lentšu la Modimo.

²² Gomme re bona barutiwa ba bjale, ba ba bilego le kopano ye kgolo letšatšing leo, ntle ka tšhemong ye kgolo go bapa le thoko ya thaba. Gomme Jesu o be a ba boditše, “Bjale eyang pele go tshela lewatle, pele ga Ka.” Gomme O be a eya godimo ka thabeng, a nnoši, bakeng sa thapelo. Gomme barutiwa ba, ka morago ga go kopana le bagwera, ke no eleletša ka fao ba ikwetšego.

²³ Gobane, go kopana le bagwera, le morago go arogana le bagwera; feela e ka ba ka nako o tlwaelanago, gona o swanetše go re šalang gabotse. Gomme ka mehla go bile mohuta wa go rengwa ke hlogo go nna, go kgabaganya setšhaba, go dikologa lefase, go be go kopana le bagwera gomme morago go ba tlogela, go tsebeng gore go ne ba bantsi bao o ka se sa ba bonago go fihlela o kopana le bona kua Kahlolong. Go mohuta wa taba ya go nyamisa.

²⁴ Ke kgona go eleletša seketswana ka bo—bo bomorago bja sona go kgoromeeditšwe lekoribeng. Gomme swanetše go bile Simone Petro, ka matsogo le magetla a magolo a digobagoba, ao a kgoromeeditšego seketswana gohle le go se lebiša ntle ka lewatleng. Gomme bohle ba be ba šadišana gabotse le bale ba lego lekoribeng. Gomme ba be ba goeteletša, “Boang gape gomme le tleng le Mong go tla go re bona! Gomme le tle le tsošeletšo ye nngwe; re bile go šegofala lehonon!” Gomme bagwera ba baswa ba tataiša. Gomme o nametše ka godimo ga barutiwa ka moka, gomme o dutše fase ka kgonagalo hleng le ngwanabo, Andrea, gomme a topa dihuduwii.

²⁵ Di—di dikepe nako yeo di be di išwapele ke e ka ba phefo goba dihuduwii tšeō ba di gogilego. Gomme gona mohlomongwe ba tla be ba dutše ba babedi mo seketswaneng, ba babedi ka lehlakoreng, gomme ba tla... goba ba babedi mo setulong se setee, a ke re, mohlomongwe tše tshela goba tše seswai diswaradidhuwi. Ba be ba tla goga nakong, gomme ka tsela yeo

ba kgonne go swara seketswana ka tshetledi ya sona ge ledimo le be le le gona. Morago, diphefo di tšutla ka tlwaelo, ba be ba kgona go emišetša seila godimo, le go sesa.

²⁶ Swanetše go bile letšatši la go fiša, go tšwa go tebelelo ya Lengwalo feelsa pele ga tiragalo ye, gomme kafao go swanetše go ba go bile go homola ka kgonthe, go le letšatši, morago ga sekgalela gwa go fiša. Letšatši le be le dikela. Gomme bona, ge ba be ba goga, gomme morago ba bofollotše gomme ba tataišitše go šadiša gabotse batho, "Holofela go le bona gape," ge ba be ba eya ntle ka lewatleng. Gomme tšatšanasobela, le sothwane ya mantšboa, gomme morago ka morago ga nakwana le—le leswiswi la swara.

²⁷ Gomme ba swanetše go ba ba topile lebelo le lebotse gabotse la—la go goga, gomme woo ke mošomo wo boima ge dihuduwitšela tše kgolo tša go roba di inwa ka lewatleng. Gomme gagolo ka moka ga bona ba be ba le—ba be ba le batheadihlapi, le banna ba go tia ba bagolo, ba tlwaeltše lewatle. Gomme kafao ge ba be ba letile Jesu go tsena sekepeng le go ba šala morago, ka pela gabotse. Gobaneng, ba fihlile ntle fale, gomme ba swanetše ba ile lebopong feelsa gannyane nthathana; mohuta wa go dira sekepe sa gago se thomiše, gomme morago go tlogela.

²⁸ Mohlomongwe Johane yo mofsa o swanetše go be a bile wa pele go bolela, gobane o be a le yo monnyanenyane wa sehlopha. Gomme go swanetše go ba go bile yena yoo a rilego, "Ke nno ba go lapa gannyane nthathana. A re beng lebopong feelsa gannyane nthathana. Leta motsotso, ga ra swanela go itlhaganela. Ga se ešo a tla, kafao bokaone re ka leta nakwana ye nnyane le mohuta wa go hwetša mohemo wo mobotse wa moyo."

²⁹ Gomme ge a dula fale ka hlogo ya gagwe tlase gannyane nthathana, o swanetše go ba a thomile kopano ya bopaki. Gomme ke seo ke nyakago go bolela ka sona. Go swanetše go bile yena yoo a emeletšego pele, gomme o rile, "Baena, ga go kgathale se batho ba se bolelago, le bontši gakaakang e ka ba mang a nyakago go se dumele, ka mnene ke ne kgonthe bjale, ka morago ga lehono, gore ga re latele moforaforetsi. Ga re latele selo ntle le Modimo, gobane ga go motho a ka kgonago go dira se A se dirilego lehono ntle le ge e be e le Modimo. Le a tseba, ge A tšere dinkgwana tšela gomme a di ngwathagantsše, gomme a fepile dikete tše tlhano tšela fale, seo ke selo ga go makatša kudu go nna. Go ka be go ile gwa ba le potšišo go fihlela lehono," bjale ke no bušeletša bopaki bja gagwe bjalo ka ge bo bile, "eupša sela se e rumme."

³⁰ O rile, "Ke kgona go elelwa mengwaga ya go feta. Ke be ke fela ke phela tlase kgaušwi le Jorodane. Gomme ke kgona go elelwa, bjalo ka mošemaneyo monnyane, ka fao wa ka yo mobotse, mme wa Mojuda a bego a fela a nkukela godimo, morago ga sekgalela, le go ntudiša godimo ga serope sa gagwe le go nkobakobetsa, ntle mo setupung, ge matšobanyana a be

a khukhuša hleng le khwiti ya Jorodane. Gomme o be a fela a lebelela go kgabaganya go leba leganateng, go tšwa moo batho ba gešo ba tlišitšwego go kgabola leganata. O be a fela a mpotša dikanegelo tša Beibele. Ye nngwe ya dikanegelo tše kgolo yeo ke e elelwago, e be e le mosadi wa Mosunema gomme ge mošemane wa gagwe yo monnyane a be a hwile, gomme—gomme moperfeta o tsošitše mošemane yo monnyane yo gape go tšwa bahung. Yeo e be e fela e le kanegelo ya go kgahliša.

³¹ “Eupša ye nngwe ya dikanegelo tša go kgahliša kudu, gomme mme o be a fela a nkanegela, o be a tla re, ‘Bjale, Johane, o no ba mošemane yo monnyane; eupša ke nyaka o elelwé, bjalo ge o gola, gore, Jehofa yo mogolo o tlišitše batho ba gešo go tšwa Egepeta, gomme re tla go kgabola lešoka lela go tshela noka yela. Gomme yohle mengwaga ye masomenne, ba sepetše ka lešokeng lela, go se lefelo go hwetša diaparo, gomme go se lefelo go ja. Gomme Modimo o nešeditše borotho tlase go tšwa legodimong, bošego bjo bongwe le bjo bongwe, gomme o fepile batho ba gešo ka lešokeng lela, gobane ba be ba le mothalong wa mošomo, ba latela Jehofa yo mogolo. Gomme bjale, letšatši le lengwe, Jehofa o ya go dirwa nama fa mo lefaseng, ka sebopego sa Motho, O tla bitšwa Yena motlotšwa, Mesia.”

³² “Gomme ke a elelwá,” o be a tla re, “bjalo ka mošemane yo monnyane, kafao monagano wa ka wa mošemane yo monnyane o bego o fela o eleletša, go leka go eleletša, ‘Modimo o fepile bale bohole bjang, batho ba dimilione tše pedi le seripa, ka lešokeng lela? O hweditše borotho bjhole bjola bjang?’ Gomme ke be ke fela ke botšiša mama, ‘Mama, a Yena, a—a Jehofa o ne sehlopha se segolo bogolo sa dionto godimo fale lefaufaung, gomme O tla paka marotho ohle, gomme a kitimela tlase mo bošegong le go bo bea nté godimo ga mo—mo mobu, bakeng sa batho, gomme mafaufau a magolo a Jehofa a tletše ka dionto?’ O be a tla re, ‘Aowa, morwa, o yo monnyane kudu go kwešiša. O a bona, Jehofa ke Mohlodi. Ga a hloke dionto. O no bolela, gomme Lentšu la Gagwe la bonagatšwa ge A bolela. Yena ke Jehofa yo mogolo, gomme O nno e bolela. Gomme Barongwa ba bo phatlalatša tlase godimo ga mobu, bakeng sa batho.’

³³ “Gomme lehono, ge ke Mmone a eme fale, a le lemogile molebelelo wola sefahlegong sa Gagwe? Go be go se pelaelo ka monaganong wa Gagwe. Ke tsokametše godimo ka morago ga leswika, gomme ke Mmogetše ge A tšere borotho bjola le go bo ngwatha, le go bo neela go...badiredi ba Gagwe, rena, go bo phatlalatša go batho. Gomme nako yeo ge A obeleditše morago go ngwatha gape, llofo yela e be e feleletše gape. Gomme ge A dirile seo makga a makgolo, go fihlela yo mongwe le yo mongwe a khoše, gomme go be go le diroto, di tletše, di tšerwe. Ke a tseba seo se be se ka se be selo nté le Jehofa, gobane O dirile boka Jehofa a dirile. Jehofa a nnoši a ka hlolago. Gomme ke a tseba gore Monna yola ga se moforaforetši. Go Mohlodi o tee a nnoši,

gomme yoo ke Jehofa. Gomme bjale, go dilo tšohle ke di bonego, tše di a nkgotsofatsa.

³⁴ “Ke nyaka le tsebe bjale gore pelo ya ka e neetswe ka go felela, gomme ke dumela ka bottlalo gore ga A no ba moprofeta. Yena ke moprofeta, eupša Yena o fetiša go ba moprofeta kudu. Yena ga se selo ntle le Jehofa Modimo a dula magareng ga rena, gobane O hlotše borotho, gomme O bile le mekgwa ya Jehofa. Ga go makatše O kgonne go re, ‘Ge Ke sa dire mediro ya Tate wa Ka, gona se Ntumeleng; eupša ge Ke dira mediro ya Tate wa Ka, gomme ga le kgone go Ntumela, dumelang mediro, ka gobane e paka ka Nna gomme e tla bolela ke Nna Mang.’ Go bonala eke batho ba ka be ba bone seo, bonolo.”

³⁵ Gomme Johane o be a kgotsofetše gore O be a le Mesia, Yena yoo Jesaya a rilego, “Go rena Morwa o tswetšwe, gomme Leina la Gagwe le tla ba Moeletši, Mokgoma wa Khutšo, Modimo yo Maatla, Tate wa Gosafelego.” Gomme Johane o be a kgotsofetše ka lebaka la se a se bonego. Moisa yo mofsa a efa bopaki bja gagwe.

³⁶ E ka ba ka nako yeo, Simone Petro o rile, “Gabotse, bjale, feela motsotsotso. Ge eba re ya go ba le kopano ya bopaki, ke tla rata go ba le se sengwe go bolela. Le a tseba, ke be ke kgokgona kudu ka ga selo ka moka, ge Andrea ngwanešu wa ka, yo a bilego tsošelotšong ya moprofeta Johane, yo a bego a pakile gore Mesia o be a etla gomme o tla Mo tsebiša. Gomme ke be ke kgokgona gannyane ka se Andrea a tla mpotšago, gobane ke kwele mehuta yohle ya dikanegelo tša Mesia le se sengwe le se sengwe gape.

³⁷ “Eupša lena bohole baena le elelwa papa wa ka wa go tšofala. Leina la gagwe e be e le Jonase. Gomme le a mo elelwa, ka fao a bego a le modumedi wa go kgwahla. Ka fao ke elelwago mme le papa, le bohole ba rena, ge re theile dihlapi go iphediša, gomme re be re tla se tanye hlapi; re hlokile borotho, le ka fao re tla tlago fase lebatong gomme ra rapela go Modimo, ‘Re fe go tanya lehono, Modimo, gore re ke re kgone go rekiša hlapi ya rena, le go lefelela dikoloto tša rena, go ba le dijo go ja.’ Le ka fao re bego re tla ya ntle lewatleng, ka go ledimo, gomme ra itshetla go—go lebanya madimo ale.

³⁸ “Gomme papa, ke kgona go bona moriri wa gagwe wo mopududu o lekeletše mokokotlong wa gagwe, letšatši le lengwe ge a dutše godimo ga ropo ya seketswana gomme o boletše le nna, a re, ‘Simone, o morwa wa ka yo mogologolo. O a tseba, ka mehla ke dumetše, Simone, gore ke tla bona Mesia. Batho ba gešo ba Mo lebeletše ge e sa le Edene. Gomme re ne kgontha gore O etla, ga go tshwenyeye bottelele gakaakang. Yeo e bile mengwaga ye dikete tše nne ya go feta, o a bolela. Eupša ke a dumela gore Mesia o tla tla. Gomme Mojuda yo mongwe le yo mongwe o dumetše gore o tla bona Mesia molokong wa gagwe. Ke holofela go Mmona mo molokong wa ka. Eupša go bonala eke, ke a tšofala bjale, ke

swanetše go emiša lewatle, le go hwetša go opa le dihlabi tša ka, ka kgonagalo nka se Mmone nakong ya ka. Eupša mohlomongwe o tla dira, morwa wa ka.

³⁹ “Gomme ke nyaka go go katiša ka Mangwalo. Morwa, pele Mesia a tsoga go lefelotiragalo, go tla ba le mehuta yohle ya dilo di kgatlampana, mehuta yohle ya dilo tša maaka, gobane Sathane o tla dira seo, go senya khuetšo ya Mesia wa kgonthe ge A etla.” Go bile ka tsela yeo ka mehla; go sa le ka tsela yeo.

⁴⁰ Gomme gona re hwetša, o rile, “Ke elelwa o beile letsogo la gagwe go ntikologa, o rile, ‘Morwa, go ne tsela e tee e nnoši yeo o ka kgonago go hlatha Mesia yola. Bjale re bile le makgolo a mengwaga ntle le moprofeta o itšego. Maleaki o bile moprofeta wa rena wa mafelelo. Yeo e bile mengwaga ye makgolonne ya go feta, re bilego le moprofeta. Eupša elelwa, Moshe o re boditše, ka Mangwalong, gore, ge Mesia a etla, O tla ba moprofeta, ge A tsoga mo tiragalang. Rena Bajuda re rutilwe go dumela moprofeta. Gomme leeto la Mesia mo lefaseng ke Lentšu le le boletšwego la Modimo, leo A re tshepišitšego. Gomme Lentšu ka mehla le tla go moprofeta, gomme moprofeta o hlatsela Lentšu leo. O se tsoge wa lebala seo, morwa! Go ka no ba dilo tše kgolo di tsoga, go ka no ba mafolofolo a magolo le—le dilo tše kgolo. Eupša elelwa, Mesia o tla ba moprofeta, gobane re tseba gore Modimo ga a tsoge a fetola tsela ya Gagwe, gomme O rile Mesia o tla ba moprofeta. Kafao elelwa, morwa, baprofeta ke bale ba ba nago le Lentšu la Modimo. Gomme ge Mesia a etla, O tla ba moprofeta.’

⁴¹ “Ke sa kgona go kwa letsogo la gagwe,” go boletshe Simone, “ge a le beile go ntharetša. Gomme Andrea o be a eme fale a hlatswa nnete, nakong yeo. O a e elelwa, Andrea?”

“Ee, Simone, ke—ke a e elelwa.”

⁴² “Gomme Andrea a leka go mpotša gore Johane yo e be e le moprofeta. Ke bile le dilo tše dingwe go dira, ke swanetše go rekiša hlapi le dilo. Kafao tate o hwile lebaka la mengwaga, eupša ka mehla ke bolokile seo monaganong; papa o rile, ‘Mesia yo o tla ba moprofeta wa go tsebagatšwa ke Lengwalo, le go se e lebale, gobane ke Lentšu la Modimo le le boletšwego. Gomme Lentšu lela kgafekgafe ka mehla le tla go baprofeta; seo se le tsebagaditše, goba se bonagaditše se se profetetšwe lebaka.’”

⁴³ Gomme bjale Simone, “Letšatši le lengwe,” rile, o rile, “o a tseba, Andrea o nkogopetše go ya kopanong. Gomme ke ile tlase fale go kopano moo Moisa yo, Jesu, a bego a le. Gomme ke kwele mehuta yohle ya mabarebare. Go bile le Jesu a tsogile, pele ga Gagwe, yoo a tshepišitšego go ba se sengwe tsoko se segolo, o etilepele ba makgolonne ka ntle gomme ba hwile bohle, le go ya pele. Ke naganne go be go no ba wo mongwe wa yona mehuta, ka mohuta tsoko wa mafolofolo a magolo a tsošeletšo tsoko, goba kerekeleina tsoko ye kgolo ba bego ba eya go e dira. Eupša

letšatši le lengwe ke naganne ke tla ya le Andrea fa, ngwanešu wa ka.”

⁴⁴ Gomme ke kgona go eleletša, e ka ba ka nako yeo, seketswana se thoma go šikinyega. Yo mongwe o thoma go goeleša, gomme o rile, “Dulang fase! Se šikinyeng seketswana. Emang motsotso. Dulang go iketla.”

⁴⁵ Gomme o rile, “Le a tseba, ge re ile tlase fale le go sepelela selebaneng sa Gagwe, lekga la mathomo, O ntebeletše thwi ka go otlologa ka leihlong gomme o mpoditše se leina la ka e lego. Ga sa nke a ke a mpona pele. Ga se feels A ntsebile, eupša O tsebile le tate wa ka yola wa go tšofala wa bomodimo, yoo a ntlhahlilego ka Mangwalo. Gomme ke tsebile gore Yola o be a le Mesia. Seo se e rumile go nna, thwi fale. Seo e bile. Seo se e lokišitše, go nna.”

⁴⁶ Swanetše go ba go bile Filipi a rilego, “A nka bolela lentšu fa?” Bjale o rile, “Ngwanešu Nathaniele, anke se se se go gobatše; gobane, o a tseba re ithutile diskrole lebaka la mengwaga le mengwaga, se Mesia a tla bago. Eupša ge ke Mmone a dira sela, ke tlogeletše gomme ka hwetša mogwera wa ka fa, Nathaniele. Gomme ge a etla godimo . . .”

Nathaniele o rile, “Anke ke e bolele. Anke ke e bolele.”

⁴⁷ Oo, le a tseba, go ne se sengwe mabapi le ge Jesu a go diretše se sengwe, o—o no se kgone go ema go iketla, o swanetše go e bolela, wenamong. A yeo ga se nnete? Ge eba ke se sengwe sa kgontha, o no swanela go se bolela. Ge A ntladitše ka Moya wo Mokgethwa, ke nyaka go bolela ka yona. Ke nyaka yo mongwe go tseba mabapi le sona. E sego yo mongwe go e bolela; ke nyaka go e bolela, nnamong.

⁴⁸ Gomme ke no eleletša, Nathaniele o bile mafolofolo gohle gomme o rile, “Le a tseba, ke tla rata go bolela se. Ke be ke kgokgona ka wena, Filipi, ge o mpoditše. Ke go botšišitše, ‘A go ne selo se sebotse sefe se tšwago Nasaretha?’ Gomme o mphile karabo ye kaonekaone yeo motho e ka ba ofe a tsogilego a ba le yona, ‘Etsla gomme o bone.’” Seo se šoma gabotse lehono. Yeo ke nnete. Se dule gae gomme wa swaswalatša. Etsla, ikhweletše wenamong, o a bona. “O rile, ‘A e ka ba eng e botse e tšwago Nasaretha?’ O rile, ‘Etsla gomme o iponele wenamong.’ Gomme o tseba se o bego o mpoditše.

⁴⁹ “Gomme ge ke sepeletše godimo ka Bogoneng bja Gagwe, gomme O mpoditše gore ke be ke le ‘mo—mo Mohebere, Moisraele, gomme ke le monna wa go botega,’ ke tsebile seo.

⁵⁰ “Eupša ke maketše, ‘Go kgonega bjang?’ O bonagetše boka motho wa setlwaedi. Ke be ke letile Mesia go theoga mekgolokgotha ya gauta go tšwa Legodimong, thwi tlase go hlogo ya kerekeleina fa, go Jerusalema, go sepelela ntle le go re, ‘Kayafa, Ke gorogile.’ Eupša ba hweditše, O tla go tšwa Nasaretha, go tšwa lapeng la go hlaka; gomme gabotse mohuta wa leina le leso ka morago ga Gagwe, bjalo ka ‘ngwana wa

hlaba.' Šo Yena o eme, a apere diaparo tša setlwaedi, e sego boka moprista goba yo mongwe; feela motho wa setlwaedi. Gomme ke naganne, ge ke sepeletše fale, 'Go kgonega bjang yola a be Mesia? A apere kobo ya go onala, O e apere ge e sa le A le moisa yo mofsa, gomme še kobo ya go swana e aperwe; gomme moriri wa Gagwe o lekeletše tlase ga mokokotlo wa Gagwe. Gomme boka motho wa setlwaedi wa mokgotheng.'

⁵¹ "Gomme O ntebeletše sefahlegong, gomme o rile, 'Pele Filipi a go bitša, ge o be o le ka tlase ga mohlare, Ke go bone.' Seo se e rumile go nna. Ke tsebile, ka Lentšu, yola e be e le Mesia. Yola e be e le Yena."

⁵² Gomme seketswana se swanetše goba se šikinyegile, gomme kopano ya bopaki e be e kgatlampana. Oo, a nako ya go makatša ba bego ba ne yona, ntle lewatleng fale, ba no ba le nako ya go iketla.

⁵³ Andrea o rile, "Ke tla rata go bolela se sengwe seo se bilego mokgwa wa go nkagantšha lebaka la nakwana ye nnyane. O elelwa ge re—re be re theogela Jeriko? O rile, 'Re swanetše go ya godimo; Ke ne tlhoko go feta Samaria.' Kafao, O ile godimo Samaria gomme fale go toropokgolo ya Sikara, ge A re romile rena bohole go reka dijo godimo ka go toropokgolo."

⁵⁴ "Oo, ee, ke elelwa seo!" Bohle ba bona, "Ee, ee!" Seketswana se be se no šikinyega, yo mongwe le yo mongwe a na le bopaki bja go makatša ka morago ga ge tsošeletše e fedile. Kafao ba be ba ne kopano ye ya bopaki.

⁵⁵ Gomme o rile, "Ee, gomme o elelwa re ngwegetše godimo, gomme, go makaleng ga rena, re bone Mong wa rena a bolela le mmalegogwana wa go marakiwa. 'Ahaa,' re naganne, 'seo se befile. Mo lebeleleng ntle fale a bolela le mosadi yo mofsa yo. Gomme o re rometše kgole, gomme Yena šo ntle fa le mosadi yo wa phoko ye mpe a dutšego fa.' Elelwang, re be re eme feela ka morago ga dithokgwa, gomme re theeditše poledišano ya bona.

⁵⁶ "Gomme re Mo kwele a re go yena, 'Mosadi, eya o tle le monnamogatša wa gago gomme o tle fa.'

⁵⁷ "Gomme re rile, 'Gabotse, re ka be re phošitše, mohlomongwe mosadi o be a no ba go nyalwa semolao.'

⁵⁸ "Gomme o Mo lebeletše morago ka sefahlegong, gomme o rile, 'Mohlomphegi, ga ke ne monnamogatša.'

⁵⁹ "Le elelwa ka fao dipelo tša rena di emego? 'Mesia wa rena yo mogolo yoo re nago tshepo ka go yena, šo o swere maakeng, phenkgišanong, gobane O rile, "eya o tle le monnamogatša wa gago," gomme o hlatsetše morago gore ga a ne monnamogatša. Bjale e thunyeditšemorago go Yena.' Le elelwa ka fao bohole re lebegilego go makala, gomme moyo o be o tšwile go rena?"

"Ee, ke a e nagana."

⁶⁰ “Gomme gona o elelwa mantšu a go latela? O rile, ‘O boletše therešo, gobane o bile le ba bahlano, gomme yo o phelago le yena bjale ga se wa gago.’ Oo, le elelwa kopano ya bopaki ka morago ga sethogkwa? Nna!” Le a bona, o ka se Mo khonare. Ke Yena Modimo. “Oo,” Simone o rile, “seo se no . . .” Andrea o rile, “Seo se e rumme go nna.”

⁶¹ Baratolomeo o rile, “Ema, ke tla rata go tsentšha bopaki. A nka e dira, baena?”

⁶² “Oo, gabotse, ke a nagana o ka dira, re ne nako ye ntši. Ga se A šo a etla, kafao re tla no dira mejagelo e se mekae. Eya pele, Baratolomeo, o ka paka.”

⁶³ “Gabotse, ye nngwe ya dilo tše kgolokgolo go nna, le elelwa kgaetšedi wa rena tlase ka Jeriko, a bitšwago Rebeka?”

“Ee.”

“Gomme monnamogatša wa gagwe o ne restorante tlase fale.”

“Ahaa.”

⁶⁴ “Gomme—gomme o be a le rakgwebo, leina la gagwe e be e le Sakeo.”

“Ee, ee, ke mo elelwa gabotse.”

⁶⁵ “Le a elelwa, o be—o be a le yo mongwe wa dikgaetšedi tša rena. O be a dumetše go Morena, gomme o be a boifa kudu gore Sakeo o tla no e lesa yohle e fete ntle le go amogela Jesu. Gomme, oo, Sakeo o be a le mogwera yo mokaone kudu wa moprista fale. Gomme kafao o be a rapela gore se sengwe se tla direga gore mahlo a gagwe a tle a bulege, gomme o tla lemoga gore yo o be a le Mong, le e be e le Lentšu la Modimo le hlatsetšwego, le dirilwe nama magareng ga rena. Gomme re lekile go mmotša . . . go mmotša ka ga ka fao gore Jesu wa Nasaretha o tsebile diphiri tša pelo, go laetsa gore O be a le Lentšu, gobane Lentšu le fenyekolla dikgopololo tša pelo.

⁶⁶ “‘Ditšiebadimo,’ o rile, ‘ke dumela moprista. Se moprista a se bolelagoo se ntekanetše gabotse.’ Gobane o be a le wa ohle mama mananeo a toropokgolo, Kiwanis le se sengwe le se sengwe gape, le a tseba, kafao o . . . mohuta wa boima go yena go lesa seo. Kafao Rebeka o re kgopetše go rapela—go rapela. Gomme nako le nako re tla tla go sehlogo O be a le moprifeta, o be a tla re, ‘Ditšiebadimo! Moprista o re, “Yena ke Beletsebulu. Yena ke diabolo. O dira tše ka maatla a diabolo. Gomme O no ba mmalamonagano. Ke sohle se lego go yona. Ga go ne selo go yona.” Kafao ga go selo se sebjalo mo letšatšing le; ga se nke ra be le baprofeta lebaka la mengwaga ye makgolo. Gomme Mothaka yola go kgonega bjang, ebile a se ne karata ya kopanelo, go kgonega bjang A tsoge a be moprifeta? Oo, ga go tsela O be a le selo se sebjalo!’

⁶⁷ “Eupša, le a tseba, Rebeka o tšwetšepele a swareletše, mosadimogatša wa gagwe, gomme a rapela. Gomme mosong wo mongwe ge Jesu a be a etla ka go toropokgolo, gabotse, gona re hwetša gore, Rebeka o re boditše gore Sakeo o be a tšwetše ntile mo—mo mokgotheng, go Mmona. Kafao ga se a dumela O be a le moprofeta, kafao o rile, ‘Ke tla no Mo lebelela gabotse,’ ka fao a re paketšego kua restoranteng letšatši le lengwe ge re be re eja. Kafao o nametše mohlare wa mosikamo, gomme o rile, ‘Le a tseba ke eng, ke tla no ikgakantšha nnamong godimo fa gore A se kgone go mpona. Ke nna moisa yo monnyane, go le bjalo, yo mokopana kudu. Gomme nka se kgone go Mmona tlase fale, ka lešabeng, kafao ke tla no namela fa mo mohlareng.’ Gomme o fihlile fao makabe a mabedi—a mabedi a gahlanago, gomme fale o dutše fase, go makabe ale.”

⁶⁸ Leo e no ba lefelo le lekaone go dula fase le go ithuta yona. Ke moo ditsela tše pedi di gahlanago, ya gago le ya Modimo; dikgopoloo tša gago. Seo ke selo se sebotse, go e nagantšiša.

⁶⁹ “Kafao o rile, ‘Le a tseba ke eng, O swanetše go be a bile moprofeta. A ka no ba a bile. Go a kgonega nka no ba phošo. Kafao ke tla le botša eng, ke tla Mo lebelela gabotse; gomme A ka se ntsebe. Kafao ke tla no tše mahlare ohle le go a gogela ka gare ka mokgwa wo, go ntikologa, gomme ke tla itiriša nnamong gore ebile A se mpone le gannyane. Gomme ke tla Mmogela ge A etla go feta. Gomme ge A sa bogege boka mohuta wa nneta wa motho, ke tla Mo fa karolo ya monagano wa ka, ke dutše godimo fa mo mohlareng wo.’ Kafao o šeditše, gomme o bile le lehlare gore a kgone go tsoga le go Mmona ge A etla go rarela khona.

⁷⁰ “Gomme ge A etla go rarela khona, a sepela go theoga mokgotha, le a tseba, a lebeletše go tloga lehlakoreng le tee go ya go le lengwe, gomme barutiwa ba re, ‘Emelang thoko. Ke maswabi.’ Gomme batho ka bana ba go babja le dilo. ‘Ke maswabi, Mong o lapile gampe; tirelo yela ye kgolo bošegong bja go feta.’ Gomme, sekgomana, ‘A ka kgopelo emelang ka thoko gomme le Mo lese a fete, ge A sa dira tsela ya Gagwe go theoga toropokgolo, gomme a ka kgopelo le ka no emela ka thoko?’ Gomme Sakeo a dutše godimo fale ka mohlareng, a lebeletše tlase go Yena.

⁷¹ “Gomme Jesu o tla thwi ka go lokologa ka tlase ga mohlare, o eme, o lebeletše godimo gomme o rile, ‘Sakeo, fologa fao. Ke ya gae le wena lehono, bakeng sa selalelo.’ Sela se e rumile go nna. O tsebile o be a le godimo fale, gomme o tsebile leina la gagwe, se a bego a le sona. Seo se e rumile. Yoo ke Mesia, go nna. Ee, mohlomphegi. Gobane, re a tseba Mesia o be a swanetše go dira seo. Ka nneta. Kafao O be a swanetše go ya gae le yena, o rile, letšatšing leo bakeng sa selalelo. A nako e kgolo yela e bilego! Re a e elelwa.”

⁷² Le a tseba, go swanetše go ba go bile e ka ba nako yeo, kopano ya bopaki e be e kgatlampana. Le a tseba, barutiwa ntle fale mo lewatleng, ba paka, go swanetše go ba go bile tlase ka bosong bja bošego felotsoko, godimo ka dinagaleboa fale, gore Sathane o swanetše go ba a šuthetše godimo ka godimo ga thaba gomme o lebeletše fase. O lebeletše ka go kopano yela ya bopaki, gomme o hweditše gore ba be ba sepetše ntle le Yena. Fale go be go le sebaka sa gagwe.

⁷³ Le a bona, ke a nagana tiragalo yela e nno nyakile e boile gape, e ipušeletša yonamong. Ba bile, ka go mafolofolo a tsošeletšo, ba sepetše ntle le Yena. Gomme ke a dumela gore bjoo ke bontši bjoo bo diregilego go rena lehono, gore, mo nakong ye ya tlhakatlhakano, le ka morago ga tsošeletšo ye ye kgolo yeo re e hlatseditšego. E swietšwe go dikologa lefase. Setšhaba se sengwe le se sengwe se bile le mello ya tsošeletšo e agilwe, le go tuka; ditirelo tše kgolo tša phodišo; batho ba amogela Moya wo Mokgethwa, ka masome a dikete atiša ka dikete. Gomme ka go mafolofolo a yona, boka barutiwa bale ba paka se A se dirilego, "gomme, oo, re Mmone a dira *se*, gomme re Mmone a dira *sela*," ke a nagana re ile thoko boka bona, ntle le Yena.

⁷⁴ Re ile thoko go menyetla ye megolo bogolo yeo—yeo tsošeletšo e e tlišitšego. Re ile thoko go menyetla ya go dira bontši bja tšhelete, dikereke, go aga meago ye megolo, mafelo a magolo bogolo a dimilione tša ditolara, dikolo tše kgolo, ditshepedišo tša thuto, le go dira kerekelina ya rena e gole. Gomme morago go beng le mananeo a rena a bokomonisi, molwalebokomonisi, ke tšohle re ka go bolela ka tšona lehono. Gomme selo sa mathomo le a tseba, Sathane o re bone ka go mananeo a rena a molwalebokomonisi, go mananeo a rena a magolo a kerekelina, le go ya rena "milione gape," le go ya pele, bjalo ka ge ba ne.

⁷⁵ Gomme re ile thoko ntle le dikopano tša nako ya kgale tša thapelo le kolobetšo ya Moya wo Mokgethwa o bowa morago, go fihlela mollo o roretše. Le ka goeletša, le go leka go tliša batho aletareng, gomme ba no sepelela godimo boka ba be ba nyakile ba hwile, letšhogo go tla. Gomme morago kgopela badiredi go tla go rapela le bona, "Oo, o nkgopeletšeng?" Gomme ba ya tlase fale, gomme go thata go ba hwetša. Gomme ba tla ema fale feela lebakala metsotso e se mekae, ba go lebelela godimo le go dula fase madulong a bona. Go nna, mollo o roretše! Se sengwe se diregile. Theetšang! Se re se hlokago ke tsošeletšo, badiradibe bale, ba lebeletše go Kriste, ba sokologa, ba kitimela aletareng ka diatla tša bona godimo, ba goeletša bakeng sa kgaogelo, gomme kerekke ka moka e lauma ka mollo, ka letago la Modimo.

⁷⁶ Mafolofolo a rena bakeng sa monyetla go dira dikerekemaina tša rena go gola, re agile dikolo tše kgowlane go ruta badiredi ba rena, le go ba romela kgojana go tloga go Modimo go feta ba be ba le mathomong. Modimo ga a tsebje ka thuto. Ga a tsebje

ka thutamodimo. Modimo o tsebja ka tumelo. O ka se kgone go hlaloša Modimo. O ka godimo ga go hlaloša.

⁷⁷ Lebelelang se se e dirilego, rena batho ba Pentecostal bao re bego re fela re le pentecost. Basadi ba rena ba kotile moriri wa bona, ba apere meikapo. Banna ba rena ba e dumelela. Badiredi ba rena ba a e dumelela. Ba boifa go bolela se sengwe ka yona. Kereke e tla ba raka ge ba ka dira. Oo, ge re sa hloke go hlwekiša ntlo, go tloga phuluphithing thwi go ya lebatofase. Ke dihlong. Ke bogoboga.

⁷⁸ Monna yo mongwe o tla go nna, e se kgale botelele, gomme o rile, "Ngwanešu Branham, batho ba a go rata." Eupša o rile, "Ka mehla o a ba kgadimotša, o kgadimotša bona basadi, ka go beng le moriri wo mokopana le dilo boka tšeо."

Ke rile, "Beibele e rile e be e le bogoboga go yena go ba le ona."

⁷⁹ O tlontlolla monnamogatša wa gagwe ge a e dira. Gomme ka phethagalo ke leswao gore o tlogile go Modimo. Elelwang, tabeng ya Simisone, moriri o mottelele e be e le leswao la Monasare gore o tlogile go lefase, go ya Lentšung la Modimo. Gomme ge le kota moriri wa lena, basadi, le gana ke lena leswao la Monasare. Le ile go Hollywood sebakeng sa morago go Beibele. Beibele e rile, "Anke ba se beolwe." Le a bona, ke dihlong, gomme badiredi ga ba bolele selo ka yona.

⁸⁰ Monna yo o rile go nna, "Gobaneng o sa tlogele bona basadi ba nnoši?" O rile, "Ba go tsea bjalo ka moprofeta."

Ke rile, "Ga se nke ka re ke nna moprofeta."

⁸¹ O rile, "Ba go tsea bjalo ka yoo. Ba rute ba amogele dimpho tša semoya bjang le go dira se sengwe. O swanetše go ba ruta dilo tše kgolo, dilo tše kgolo."

⁸² Ke rile, "Nka kgona bjang go ba ruta dipalontshetshere mola ebile ba sa ithute diABC tša bona, ba phele bjang go kgahliša ka yona? Le ya go e dira bjang? Ya, eyang tlase go selo sa mathomo."

⁸³ Ngwaga ka ngwaga, go kgabaganya setšhaba, gomme go befa kudu nako yohle. Go ne se sengwe sa phošo felotsoko, ga e na le Lentšu. Ga go makatše ga re kgone go ba le mello ya tsošeletšo e tuka. Re hloka nako ya go hlwekiša ntlo. Modimo a ka se tsoge a dira seo go fihla re etla morago gape. Re hloka nako ya go hlwekiša ntlo.

⁸⁴ Gomme wena monna, o tla dumelago mosadimogatša wa gago go dira selo boka seo, go apara dišothi! Bona ga se Mamethodist, Mabaptist. Bao ke Mapentecostal, yeo ke nnete, "sebopego sa bomodimo, Lebaka la Kereke ya Laodikia, bolelo," Pentecost ka leina, ke sohle. Pentecost ga se leina, ke boitemogelo bja kolobetšo ya Moya wo Mokgethwa, woo o hlwekišago batho. Ga go makatše re ka se be le ditirelo tše kgolo tša phodišo le dilo,

go ne se sengwe se bile phošo felotsoko. Ke Sathane, o re bone re leka go . . .

⁸⁵ “Gabotse, re bolela e ka ba eng ka yona, ba tla fetoša boleloko bja bona.”

⁸⁶ Elelwang, ga o pepetletše Bakriste. Bakriste ba makgwakgwa. Ke bona banna le basadi ba Modimo, ba ba emelago Modimo, go sa kgathale e ka ba eng yo mongwe gape a swanetšego go se bolela. Ga wa swanelwa go ba rapeletša le go ba kgokgoetša, le go ba noka le go ba pepetletša gohle. Tšeо ke ngwang, dibjalo tša motswako, ga tša loka le gatee, di ka se tsoge tša tsweletša selo.

⁸⁷ Go nkogopotša, boka . . . Go se ye kae eke nako ya go beela. Ke hlokometše dinonyana tše nnyane lehono, godimo fale, dihlatši tše dinnyane di rwalela phatana dihlageng tša tšona. Go ka se be botelele kudu go fihla di tla be di beela, di dira mae a tšona go phaphaša. Le a tseba, nonyana ye nnyane e ka ba le sehлага sa mae, gomme e ka dula go sehлага seo sa mae, gomme ya a retolla metsotso ye mengwe le ye mengwe e se mekiae; ya tšeа maoto a yona a mannyane gomme ya a retollela godimo, gomme ya dula fale. Bjale, ge e ka tlogela mae ale a tonya, morago ga ge a kile a huthumatšwa, a ka se phaphaše. Gomme e no fofa le go hwetša dijo tša go tlala molomo, gomme thwi morago go ona gape.

⁸⁸ Gomme le e tseba, mme kgogo yola wa kgale, a ka dula fale godimo ga mae ale, le go a retolla metsotso ye mengwe le ye mengwe ye mebedi, le go se . . . ebile ya ikgafa le go ikona dijo go fihlela e šokiša kudu e sa kgone go tloga sehlageng. Eupša ntle le ge, gona, mme nonyana yola o bile go kopana le nonyana ye tonia, ona mae a ka se phaphaše. Ga go kgathale eng, o a hlokometše kudu gakaakang, a ka se phaphaše. A tla dula fale ka sehlageng gomme a bola.

⁸⁹ Gomme ge eba go kile gwa ba nako yeo Pentecost e swanetšego go ba le Molekani, Jesu Kriste; gobane ga re hwetše selo eupša sehлага sa go tlala ka mae a go bola, se gana Tumelo, se eya go Khansele ya Mohlakanelwa, gomme ba e bitša dilo tše kgolo, go dula hleng le mopapa, le go re “ke ya semoya.” Bothata bja lefase ke eng, lena batho ba Pentecostal? A ga le tsebe Beibele e boletše tšona dilo di tlo direga? Gomme re a goeletša gobane Mamethodist le Mabaptist a a tsena, gomme morago dilo tše dingwe tšohle tše boka tšeо. A ga le lemoge gore ge kgarebe ye e robetšego e etla go reka Oli, yeo e be e le yona iri yeo Monyadi a ttilego? Gomme ga se ba hwetša Oli! Le a tseba, Tlhatlogo e tla tla sephiri kudu, le go tloga, ye nngwe ya dinako tše, ebile o ka se tsebe e diregile. E tla be e ile, gomme o tla makala go diregile eng.

⁹⁰ Boka Johane a tlie lefaseng. Gomme ba rile go Yena, ba rile, “Gabotse, Beibele e rile, Eliase o swanetše go tla pele.” O rile, “O setše a tlie, gomme ga se le e tsebe.”

⁹¹ Go tla ba bjalo, letšatši le lengwe, ba tla re, “Ke naganne se se be se swanetše go direga pele ga sekala sa Tlaišego. Ke naganne Tlhatlogo e be e eya go direga.” Mantšu a ka tla morago, “Go šetše go diregile gomme ga se o e tsebe.” Ahaa. Go ka no ba thari go feta o nagana. Oo, phafoga, kereke! Bokaone ke tlogele seo; ga se ke tlele thuto fa, ke no nagana ke tla no bethela yeo ka gare gore le kgone go ba le seo lehlakoreng.

⁹² Elelwa, ngwanešu, Sathane o bone mananeo a a magolo, kereke ye nngwe e leka go gatlīša ye nngwe, kerekelainga ye nngwe e leka go gatlīša ye nngwe, ba tomola go serutege gohle gomme ba ba fa moleko wa saekolotši, ba ba le rasaekolotši go leka monna pele a eya ka mašemong a boromiwa. Pentecost! Aowa, bao—bao—bao ga se Mapresbyterian, bao ke Pentecost. Moleko wa go leka monagano o nyakega go sehlopha tsoko sa Mapentecostal, sehlopha se segolo, pele baromiwa ba ka tsea tshemo.

⁹³ Go ka reng ge nkabe ba bile le moleko boka woo? Ba ne moleko. E bile moleko wa pentecostal mo mathomong, ge ba letile ka kamoreng ya ka godimo go fihlela go tlie Mollo go tšwa Godimo, le Maatla a Modimo. Woo e be e le moleko.

⁹⁴ E se go wa lefase, raseakolotši go go tagwa seripa a eme fale go leka go dira monagano, ge eba o thantshetšwe gannyane nthathana, goba se sengwe, o re, “O gohlegohle go se butšwe.” Mola, ka phethagalo go netefatša gore monna yoo a lego semoyeng go fetiša o a tšhoga, o swanetše go ba leemong leo go tsena ka go Ona. Kafao ke lena bao, le a bona, gomme go no hlakahlakanya se Modimo a lekilego go se dira lebaka la mengwaga, le go tla morago go dikologa ka mananeo a bona le tše kgolo tsa bona . . .

⁹⁵ Ba mafolofolo ge ba bona boati bja batho bo kgobokane mmogo. Ba re, “Ge nka kgona go ba dira bohole Assemblies! Ge nka kgona go ba dira bohole Oneness! Ge nka kgona go ba dira bohole Methodist!” Methodist e leka go dira bohole ba bona Methodist, Baptist e leka go dira bohole Baptist, Mapentecostal bohole Mapentecostal! Oo, o ka se dire selo ka yona, Modimo o beetše bale go tloga motheong wa lefase. Re ya go rera Ebangedi. Ke sohle. Eupša, mananeo a rena a magolo, re ile thoko ntle le Mollo wola. Re ile thoko gomme re itiretše renabeng mollo wa go dirwa ka gae, bjalo ka ge go bile.

⁹⁶ Gomme bokomonisi bja rena, bjale re tšhogile kudu, bokomonisi bo tsene, “Go ya go direga eng?” Eupša, le a tseba, selo se segolo ga se bokomonisi. Ntumeleleng ke le botše seo bjale, ga ke boife bokomonisi.

⁹⁷ Eupša se ke se boifago, lena Mapentecostal, Khansele ye ya Mohlakanelwa e ya go le tše. Seo ke selo. E ya go bopa leswao la sebata, gomme le ya go swanela go tsena ka go lona. Gobane le mokgatlo, le swanetše go tsena goba go tšwa. Seo ke

selo, gomme e ka ba ofe wa go loka, wa go hlalefa, motho wa semoya o tseba seo. Re hloka bopaki bjo bongwe bja godimo ga lewatle, re a bo hwetša bjale. Gomme Pentecostal ya rena, e no e kwametša, huku, lethale le senweletši, “A selo se segolo e tla bago!” Mola, Methodist, Presbyterian, Lutheran, church of Christ, le Mapentecostal, le tla swanela go gana—gana thuto ya lena ye kgolo ya seapostola, go ba ka fale. Ba tla swanela go dira sa go swana. Le ka se be le selo go dira ka go yona. Yohle ke go tiišetšana le Roma, feela tlwa se se netefaditšwego. Lengwalo le boletše bjalo.

⁹⁸ Bothata ke eng ka bareri bao ba tlogelago dilo di etla ka leemong le, ntle le go sebotša batho? Modimo o tla nyaka diatleng tša bona. Thwi ka nakong ye ya bothata, ba be ba le bothateng, ba be ba le. Bokomonisi bo sa tsene; ke Khansele ya Mohlakanelwa e yago go metša sehllopha ka moka. Gomme elelwang, ge le re, “Go ka se . . .” Go a direga, gona go thari kudu. Le šetše le tšere mmarakwa sebata. Le ba sona nako yeo.

⁹⁹ Bokaone le tle fao le ka kgonago go tloga go sona bjale, ee, mohlomphegi, le tswalelwe ka Mmušong wa Modimo. Mmele wa Kriste ke Mmele wa sephiri wa Kriste, woo o kolobeleditšwego ka go Ona ka Moya wo Mokgethwa; e sego go tšoena ka go Ona, go tšeela ka go Ona, go bolelwa ka go Ona, go bolela ka maleme ka go Ona, go goleletsä ka go Ona. O tswalelwa ka go Ona, ka Moya wo Mokgethwa. Yeo ke nnete. Ka kgonthe.

¹⁰⁰ Bjale re hlokomela dilo tše, bothata bo tla gateetee. Oo, diabolo o lebeletsé godimo gomme o rile, “Ahaa, ba ile thoko ka mantladima, ba no ba ntle fale ba tabogela godimo le fase, ba goelela, ba iketlile. Le a tseba ke eng, gonabjale ke nako ya ka go ba nweletša. Ke tla fetša ka bona bjale.”

¹⁰¹ Kafao o rotogetše godimo ka godimo ga thaba gomme a thoma go butšwetša mohemo wa gagwe wa mpholo, fše: “Matšatši a mehlolo a fetile. Morago ga tšohle, ke a dumela batho ba ba no ba ba tšhogile. Ke a nagana ba swanetše go ba le mo—mo—mo moleko wa monagano pele ba tše mašemo a nagadiše.” Mapentecostal! Ahaa. Le bona mohemo wa gagwe wa mpholo o bolaya Lentšu, “Oo, ke nagana Ke se sengwe gape, ke—ke a dumela e . . .” Le a bona, go yeng thwi ka go otloga morago boka bohole ka moka ba dikerekemaina ba dirile, seo e no ba tlwa tsela ye ba e sepelago. Ba tla dira, e a e bolaya. Yona iri le e kgatlofatšago, seo se a e bolaya. Ka mehla se a dira. Ka mehla se tla dira. E ka se tsoge ya tsoga gape. Ga se nke gwa tsoge gwa tsebja ka historing. Ka—ka go Lebakala Kereke ya Laodikia le, Kriste o be a le ka ntle ga kereke, a kokota, a leka go tsena. Gomme ba no se kgone go Le kgotlelala. Ga ba kgone go Le theetsa. Bjale re hwetša, iri ye re phelago, bothata bo agetše.

¹⁰² Gomme morago re thoma go hwetša, mehlolo ga e sa direga, boka e be e le. Balwetši ba ya gae ba lwala. Ga se ka lebakala

la Modimo. Ke ka lebaka la tlhonego ya tsošeletšo magareng ga batho. Ga go na tsošeletšo. Ba—ba a dula le go theetsa; ba ya gae, ba re, “Gabotse, ke a thankya yela e be e le botse gabotse. Ahaa.” Le a bona, ga go na phišego yela. Ga go na se sengwe sela ka go batho seo se swanetšego go ba gona.

¹⁰³ Ke elelwa mengwaga ye lesometlhano ya go feta, fa ka Arkansas, ge ke be ke ne kopano ye nnyane godimo fale ka Jonesboro, ge e ka ba batho ba dikete tše masomenne ba leka go tsenela ye, ba tla kopanong ka toropongkgolo ya e ka ba dikete tše lesometlhano. Gomme ba letše ka tlase ga ditheraka tša katune le se sengwe le se sengwe gape, le go swara dipampiri godimo ga bana ba bona ba go lwala, feela go tsena ka gare. Ba dutše madulong a bona gomme ba se tloge, mosegare le bošego, gomme ba bile le baratiwa ba bona go ya go hwetša hambeka le le—le lebotlelo la phopo; le go dula fale, tšatši ka tšatši, tšatši ka tšatši. Dipelo tša bona di be di tuka, di eswa. Feela selo se sennyane bonnyane Modimo a se dirilego, se ba gotteditše. Gomme makgolo a bona ba tla ka gare.

¹⁰⁴ O sa le Modimo wa go swana, bošegong bjo, yola A bilego mengwaga ye lesometlhano ya go feta. O sa le Modimo wa go swana, bošegong bjo, yoo A bilego ge A hlotše magodimo le lefase.

¹⁰⁵ Eupša ke eng? Re bile bohole go ba mafolofolo gomme re nyakile go aga mekgatlo ya rena, re nyakile go aga *se*, le go aga *se*, le go dira se sengwe se segolo le go phatsima, go bapela le ba ga Jones, le Mamethodist, le Mabaptist, le Presbyterian. Ga se lena ba bona. Aowa, ga le bona. Bona ke batho ba bokereki, bjoo bo lokilego, ga go selo kgahlanong le bona. Go ne bontši bja Bakriste ba bakaone magareng ga bona, eupša ga la swanelwa go ikamanya lenabeng ka go sehlopha sela sa gosedumele. “Batho bao ba ganago Maatla a bjona,” ga la swanelwa go tšeа lehlakore le bona.

¹⁰⁶ Le a tseba, bothata bja yona, le leka go tliša Hollywood ka kerekeng. Selo le swanetšego go be le leka go se dira ke go ntšha Hollywood ka kerekeng. Le a bona? Le leka go dira moago wa lena wo mobotse kudu, le leka go dira kerekeleina ya lena ye kgolo kudu, go fihla e tla goga šedi ya batho. Re ka se ye godimo lehlakoreng la bona. Re swanetše go ba le bona ka lehlakoreng la rena. Se sengwe le se sengwe se phatsimago, elelwang, Hollywood e phatsima ka bolefase, mola Ebangedi e kganya ka boikokobetšo. Go ne phapano kudu magareng ga go phatsima le go kganya. Ebangedi e kganya ka boikokobetšo, le boleta, le boithobo, le maatla. Mola, Hollywood e phatsima, gomme yo mongwe le yo mongwe a tlatša lešata le go goeletša, le go ya go yona. Le a bona? Ga re hloke seo.

¹⁰⁷ Re nyaka go phela Seetša se sebjalo. O rile, “Lena le letsawai la lefase.” “Ge letsawai le tapile,” ao ke maatla a lona ka go

Ebangedi. Re swanetše go ba le se sengwe se sepela ka dikerekeng tša rena, gore Mamethodist, Mabaptist, Mapresbyterian, le bohole ba bona, ba tla duma go tla. Re swanetše go ba letsawai kudu! Letsawai le swariša lenyora, le hlola lenyora. Letsawai ke senoki, ge le ka kopana. Le swanetše go kopanywa.

¹⁰⁸ Gomme re hwetša, mantladima a rena a magolo go leka go bapela le Methodist le Baptist, ka meago ye megolo le mafelo a magolo, le batho ba bakaone ba dirutegi, le dikolo tše kgolwane le dikholetše tše kgolwane, le se sengwe le se sengwe boka seo. Re ile thoko go mantladima, gomme bothata šebo bo agetše.

¹⁰⁹ Gomme monagano wa semoya o lebelela gohle gomme o re, “Fa, leta motsotsa fa, a bohole re ya go swanela go tše Khansele yela ya Mohlakanelwa? A sehlopha sohle sa rena se tla ya ka go yona?” Kgonthe, le a ya. Yeo ke tlwa. Šetšang gomme le bone ge eba ga le dire. Beibele e rile le tla dira, tlwa, gomme Kriste o tla be a le ka ntle. Ngwedi o fifetše wonamong pele mopapa (wa mathomo a kilego a ya Roma), bošegong bjo bongwe, go le laetsa leswao ka magodimong. Go se akanyetswepele, e e dirile. Ka fao Morena a dirago dilo mo letšatšing le, bothakga!

¹¹⁰ Gona ka go iri ye ya leswiswi, ge ba be ba le fale, diphefo di a tšwelela. Dikholofelo tšohle tša go phonyokga di be di ile. Bjale le ya go dira eng ge kerekeleina ya lena e eya ka go Khansele ya Mohlakanelwa? Go ya go diregang gona go tšohle dilo tša rena tše kgolo tše re di agago fa mo lefaseng, kholofelo ya mafelelo e ile?

¹¹¹ Eupša le a tseba, ge ba be ba le hleng le go goelela, gomme kholofelo yohle e ile, ba be ba ka se kgone go pholoswa; gomme ka pelapela, ba Mmone a etla, a sepela godimo ga meetse. Mo iring ya leswiswi, O ttile, a sepelela ka gare.

¹¹² Le a tseba ke eng? Ge A be a ba tlogela, O tsebile seo se be se eya go direga, kafao O nametše thaba ye teleletelele e bilego gona ka nageng. Bogodimo ge o eya, o kgone go bona kgole. Gomme O nametše godimo gore A kgone go ba šetša, le a tseba.

¹¹³ Gomme O tsebile se se be se etla. O akanyeditšepele letšatši le go ba gona. “Bjalo ka ge go bile ka matšatšing a Sodoma, go tla ba bjalo mo go boweng ga Morwa wa motho, ge Morwa wa motho a utollwa.” Gona, Morwa o swanetše go utollwa. Moloko wo mobe le diotswa wo o tla nyaka leswao. O tla ba le leswao. O tla le gana boka ba dirile nako yela, eupša e tla ba leswao la tsogo. O sa phela, A dira boka a dirile.

¹¹⁴ Re hwetša, gore mo iring ye kgolo ye, barutiwa bale bohole ba le tlalelong, O nametše godimo gore A kgone go ba šetša. O be a dutše godimo fale godimo ga thaba, a ba šeditše.

¹¹⁵ Gomme bjale ga se A namela thaba nakong ye, eupša O nametše go tšwa lebitleng, o nametše go kgabaganya sebakabakeng, ka kua ga ngwedi, dinaledi, go fihla O ile godimo kudu go fihla O swanetše go lebelela tlase go bona Legodimo.

Gomme šole O dutše, mo Godimo. Bjale leihlo la Gagwe le go phorogohlo, gomme ke a tseba O re šeditše. O šeditše.

¹¹⁶ Gomme thwi fa iring ye ya leswiswi, ge dikereke tšohle di ile ka go mananeo, gomme ba ne lenaneo *le* le lenaneo *lela*, ohle a breakantšwe boka dikereke ka moka di *le*, dikerekemaina. Gomme go diregileng? Mo iring ya leswiswi, ge batho ba kgonthe ba go tlala ka moya ba makala, “Go diregang? Lebelela bana ba ka!” Monna o re, “Lebelela mosadimogatša wa ka! Lebelela *se!*”

¹¹⁷ Gomme ba ntšha ka Lamorena, goba Laboraro bošego kopano ya thapelo, ka pela, gore ba kgone go bogela *Re Rata Sucy*, goba se sengwe boka seo, mo thelebišeneng. “Barati ba lefase, go feta barati ba Modimo.” Ba itshwara boka bona.

¹¹⁸ Ke boditše mohumagadi letšatši le lengwe, o be a apere go patagana kudu ka rokong ya gagwe. Ke rile, “Kgaetšedi, roko yeo e patagana kudu. Go ka no se kwagale gabotse go nna go go botša seo, eupša ke sona. O Mokriste, gomme o tlo dira kotanatšhišo.”

¹¹⁹ O rile, “Gabotse, Ngwanešu Branham, o a tseba ke eng?” O rile, “Wo ke mohuta o nnoši ba o dirago.”

¹²⁰ Ke rile, “Ba sa rekiša mašela, gomme ba ne metšhene ya go roka. Ga go na boitshwareletšo.” Ya.

¹²¹ Theetša, anke ke go botše se sengwe, mogwera wa ka wa go ratega. Ke sa go topatope. Aowa, mohlomphegi. Ke leka go go ntšha ka go tlaišego. Ge feelsa moya woo o le ka go wena, o ya go e dira. Yeo ke nnete. O swanetše go belegwa go tšwa go yona. Bjale o ka ipea gabotse go tshwayo yeo, eupša anke ke go botše se sengwe, le a bona, “Se pelo ya gago e lego, ke moo lehumo la gago le lego le lona.”

¹²² Anke ke le botše. O ka no ba go hlweka bjalo ka lili go monnamogatša wa gago, gomme o ka no ba go hlweka boka lili, mosetsana yo mofsa, go lesogana la gago, eupša letšatši le lengwe Modimo o ya go go dira o arabele bakeng sa go dira bootswa. O molato ge o apara ka mokgwa woo. Jesu o rile, “Mang kapa mang a lebelelagoo mosadi go mo kganyoga, o šetše a dirile bootswa le yena ka pelong ya gagwe.” Gomme ge monna yola a swanetše go araba, modiradibe yola, go mo lebeleleng, go direng bootswa, ke mang a ithekišitšego go yena? Nagana ka yona. Lena basadi ba Pentecostal, dihlong go lena! Le a bona? Dihlong go lena!

¹²³ Ke a le rata, ke ka lebaka leo ke bolelagoo seo. Lerato le a phošolla.

¹²⁴ Re go mantladima a magolo, mantladima a magolo a go apara. Go no ba boka, le go fešenwa boka lefase. O rile, “Se rateng lefase, goba dilo tša lefase; ge le dira, lerato la Modimo ebole ga le ka go lena,” ga ke kgathale o bolela ka maleme kudu gakaakang, o tabogela godimo le tlase, o bina, o kota moriri, o apara ka mokgwa woo. Wena monna o a e dumelela. Dikenywa tša gago mong di go botša moo o lego. Yeo ke nnete tlwa. Ga

go makatše re le ka go tlhakatlhakano e bjalo bjalo ka ge re le, le diphefo tša bokomonisi, diphefo tša bokereki, diphefo tša mokgatlo wa mohlakanelwa!

¹²⁵ Ke—ke nako ya go tšoena, nako ya go dira yunione. Diyunione di dira bašomi ba yunione, ba nganga ka yona. Ditšhaba di ne di—di Ditšhaba Kopano, ba a kopana. Dikereke di a kopana mmogo. Go laetša eng? Ke go laetša gore Kriste le Monyalwa ba itokišetša go kopana. Ke seo e bolelago ka sona. Meriti yohle ye ya dilo e laetša phosithife e etla. Šetšang bjale ge re tswalela, gobane ke ba thari kudu.

¹²⁶ Gomme bjale re a lemoga, ka go iri yela ye kgolo ge kholofelo yohle e ile, ya go phonyokga, ba bone yo Mongwe a etla, a sepela godimo ga meetse, a sepela godimo. Gomme selo, karolo ya go nyamiša, theetšang kgauswi, selo se nnoši seo se ka go ba thuša, ba be ba se boifa. Ba rile, “Se bonala boka moy. E ka no ba, le a tseba, moy.

¹²⁷ Ge seo se sa direga gape! Ba E boifa. Ba boifa go bolelelamahlatse, ba boifa mohuta tsoko wa maatla a diabolo; ge Jesu a rile E tla direga mo letšatšing le. Selo se nnoši seo se ka go ba thuša ke Jesu Kriste. E sego kerekelina ye nngwe, e sego tšohle tša tšona di tšoena mmogo; yeo e no ba go ya go e dira gampe go feta go kile. Selo se nnoši seo se ka go le thuša ke Jesu Kriste.

¹²⁸ Gomme ge A tshepišitše go bowa mo matšatšing a mafelelo, ka sebopego se, le go dira ye, go tshepiša (feela boka pele morwa wa tshepišo a boile go Abraham, peu ya mathomo) peu ya bogosi ya Abraham, Jesu o tla . . . o rile o tla bona selo sa go swana. Pele Morwa wa tshepišo, Modimo o tla iponagatša Yenamong nameng le go dira tlwa boka Jesu a dirile, boka A rile O tla dira, feela boka a rile go tla dirwa matšatšing a mafelelo. Gomme fa ditshepišo tšohle, tše re ka go di ala ntle, ka ditasene, thwi fa pele ga lena, gore ye e swanetše go direga.

¹²⁹ Gomme dikereke, tše di swanetše go ba ka matsogo ntle, go O amogela, “Ke boifa Yeo gannyane. Ga se ya sehlopha sa rena, le a bona.” Gomme ba a O tšhoga. Selo se nnoši seo se ka go ba tliša go Kriste, ke Kriste Yenamong, gomme ba boifa gore O a tšhoša. “Oo, ga ke tsebe. Seo se ka no ba moy, le a bona. Gomme ga ke tsebe ka ga Ona.” Go tšhoga selo se nnoši seo se ka go ba thuša.

¹³⁰ Gomme iring yela ya leswiswi la tlalelo, kerekere yela ya go kgethiwa, sehlopha sela se dutšego ntle fale, se tšhogile gore go ka no ba sepoko, ga se ba nyaka go ba le selo go dira le yona. Morago go tla Segalontšu sela se sebose, “Se boifeng. Ke Nna.”

¹³¹ Ke Yena Lentšu, a ga se Yena? [Phuthego e re, “Amene.”—Mor.] Ga A tsoge a fetoga, go ba Lentšu. Bjale a ga le kgone go kwa Lentšu le re, bošegong bjo, “O a swana maabane, lehono, le go ya go ile. Se boifeng; ke Nna”? [“Amene.”]

A re inamišeng dihlogo tša rena.

¹³² Tate wa Legodimong, ma—ma mantšiboa a a fiša. Diiri ke leswiswi, ka fao gore Mollo o tlogile aletareng. O budutša go kgabaganya tšhemo. O rile, “Mmušo o swana le monna yoo a tserego nnete gomme a ilego lewatleng, a e lahlela ka gare, gomme ge a e ntšheditše ntle. Mmušo o be o swana le ka mokgwa woo.” Morena Modimo, letšatši le lengwe hlapí yela ya mafelelo yeo e lego ka meetseng ale! O rile, “Ba tšere mehuta yohle.” Nnête yela ya Ebangedi e tanya mehuta yohle; e tantše dipshinyaleraga, crawfish, digokgo, disephente, hlapiseoledi. Ga re tsebe se e se tanyago, eupša go be go ne hlapí tsoko fale yeo O bego o e nyaka. Wena o Yena yoo a lego Moahlodi. Eupša re a lemoga, ka pela pshinyaleraga, crawfish, le tšohle, di ya morago go molete wa leraga gape, morago meetseng. Eupša letšatši le lengwe hlapí yela ya mafelelo yeo e beetšwego, e kgethetšwegopele go tla, karolo yela ya mafelelo ya Mmele, e tla gogelwa ka ntle ga letsha lela.

¹³³ O lahletše nnête ntle matšatšing a Luther, le Wesley, Alexander Campell, John Smith, Calvin, Knox, Finney, Sankey, le go ya pele; ka go lebaka la Pentecostal, matšatšing a F. F. Bosworth, le Frochman, banna bale ba bagolo. O lahletše dinnette ntle, matšatšing a Billy Sunday, pele go theoga lebaka.

¹³⁴ Gomme bjale O sa nyaka go kgabola lewatle. A go ne o tee wa bona a dutšego fa bošegong bjo, Morena? Ge eba go le, anke ba be boka mosadi yola yo monnyane kua sedibeng. Ebile le ka go seemo sa gagwe sa bommategogwana, o sa lemogile gore O be o le Mesia. O bone leswao lela. Leo e be e le lona. O rile, “Ke a bona O moprofeta.” O be a se ne mogopolu gore e ka ba Mesia. O rile, “Re lebeletše Mesia,” ka mantšu a mangwe. “Re a tseba ge Mesia a tlide, O tla re botša dilo tše.” Gomme O rile, “Ke nna Yena.” Yeo e be e le yona.

¹³⁵ Bjale, bošegong bjo, Morena, anke ba bone gore, “Ke Nna; se boifeng. Ke tshepišo ya Ka.” Fodiša balwetši, Morena, phološa batimedi, tlatša basenagoselo.

¹³⁶ Anke re tloge bošegong bjo, gomme re bolele ka dipelong tša rena, ge re tloga, boka bale ba tlidego go tšwa Emause, “A dipelo tša rena ga se tša swa ka teng ga rena ge A be a re direla bošegong bjo ka moagong, Bogona Bokgethwa bja Gagwe!” Ka fao ba tsebilego e be e le Wena, ba Go laleditše ka gare gomme mahlo a bona a ponyologa. Anke yo mongwe le yo mongwe wa rena, bošegong bjo, a Go laletše ka gare. Ge re sa Le kwešiše, anke re Go laletše ka gare, go le bjalo. Yeo ke tsela e nnoši O ka go ikutolla Wenamong.

¹³⁷ Gomme re lemoga tsela ye O ikutolotšego Wenamong ka morago ga tsogo ya Gago, O dirile se sengwe ka mokgwa wa go swana O dirilego pele ga go bapolwa ga Gago. Bjale etla bošegong bjo, Morena, O rile O be o le “wa go swana maabane,

lehono le go ya go ile.” Dira gape, bakeng sa rena, boka O dirile mo matšatšing ge O eme fa ka nameng, mo lefaseng. Re tla ya gae, dipelobohwefo, boka bale. Leineng la Jesu re a rapela. Amene.

¹³⁸ Bjale ka tirelong, bošegong bjo, ke a tseba go ruthela gampe, gomme re ne metsotso ye masomepedi go tšwa ka nako. [Ga go selo go theipi—Mor.] Ke nna . . .

¹³⁹ Nka se emiše le go šitiša dilo tšeо ke di dirago. Ke laolwa ke se Sengwe, ka mehla ke bile, bophelo bja ka bjohle, gomme ka mehla Go bile nnete. Ga se nke ya mpotša selo eupša se se bilego ka Beibeleng. Nka se e emiše. Nka se dire selo ka yona. E no e dira, go le bjalo. Gomme ke ne kgonthе, ke a obamela, go bile le yo mongwe a e hlokago. Gomme ke tla ba go botega. Gomme kua Letšatšing lela, ke nyaka go, boka Mokgwethwa Paulo yo mogolo a rile, “Ga go madi a motho seatleng sa ka.” Ahaa. Ke—ke nyaka go le botša Therešo. E sego bjalo ka ge ke . . . Ke a le rata.

¹⁴⁰ Gomme ge eba o bile le mošemane yo monnyane . . . Bjale nagana ka yeo, mohumagadi, wena yoo ke go kgadimotšego nakwana ya go feta, lena dikgaetšedi ka moriri wa go kotwa le dilo. Ge eba ke . . . Ge eba o bile le mošemane yo monnyane a dutše ntle mo mokgotheng, gomme o rile, “Šimane, moratiwa, bokaone o tsene ka gare, moratiwa. Go ka no be, ga ke tsebe, mohlomongwe ba tla go thula.” Ga o rate ngwana yola. Yeo ke nnete. O tla tšwela ntle fale gomme wa mo ntšha makoko, goba wa mo dira a tsene ka gare. Yeo ke nnete. O a mo rata.

¹⁴¹ Ke ka tsela yeo Ebangedi e lego. Modimo o a go rata. “Gomme bao A ba ratago, O a ba sola le go kgalema ngwana yo mongwe le yo mongwe yoo a tlago go Yena.” Ge o sa kgone o kgotlelela tsholo, o a tloga gomme o befelwa ka yona, gona ke lena bana ba dihlaba, ga se lena bana ba Modimo. Kafao no elelwang, e no ba Lengwalo.

¹⁴² Bjale lentšu go tšwa go Yena, lentšu le letee, le tla ra bontši go feta nka bolela, makga a maphelo a milione. Ke Yena. Re tseba tshepišo ya Gagwe. Re tseba se A tshepišitšego go se dira. Bjale ga ke tsebe ge eba . . . afa . . . re tla go tšwa . . .

¹⁴³ Afa ba file dikarata ntle gape? Afa le file dikarata ntle lehono? E be e le eng? J, go lokile. Go lokile, go boloka nako, a re no thomang go nomoro tee. Bjale, ka kgonagalo ba gohlegohle moagong. J, nomoro tee.

¹⁴⁴ Gomme bjale re ne go phamoga. Re thomile go tloga go, nako ye nngwe, go tloga go *ye*, go feta nako, morago le pele tsoko, le go dikologa, eupša re ne bona ba phamogile gohle fa. Eupša batho ba bangwe le ba bangwe ba tsenago, letšatši le lengwe le le lengwe, ba ne sebaka go tla godimo ka mothalading. Seo ga se re gobane o fa . . .

¹⁴⁵ Ke ba bakae ba tsebago, ka kopanong ye, go nyakile go eba bobedi bontši ba fodišitšwe ka go batheeletši, bjalo ka ge ba fodišitšwe godimo fa? Kgonthe, le a e tseba. Le a bona, karata

ya thapelo e no ba gabonolo go tliša batho godimo fa, go tliša Moya wo Mokgethwa magareng ga bona, bjalo ka ge le tlwaetše go dira seo. Ebile ga ra swanelo go ba le yona gonabjale. Re ka no lesa dikarata tša thapelo.

¹⁴⁶ Feela boka re dirile bošegong bja go feta, ga se nke ra ba le dikarata tša thapelo bošegong bja go feta. Moya wo Mokgethwa o ile ntle magareng ga bona bao ba sa bago le dikarata tša thapelo. Gomme ke bone dilo tše dintši ke sa bolelago selo ka tšona, gobane ga se ke tsebe ge eba go be go le bjalo goba aowa. Go sa swere boso godimo ga bona, gomme ke no e tlogela e nnoši. Ga se ke tsebe. Go be go ka se dire botse go ba bitša. E ka ba eng A se bolelago ke nnete, kafao theetšang se A se bolelago.

¹⁴⁷ Bjale a le rile yela e be e le J? J, nomoro tee? J, nomoro tee. Ke mang a nago karata ya thapelo? Phagamiša seatla sa gago. O swanetše go ba o fošitše, morwa; swanetše go ba ye nngwe... Oo, ke maswabi. Oo, moragorago go itshama le leboto ka morago. Etla godimo fa, mohumagadi. Ba—ba no tliša dikarata tše tlase bjale, mošemane, Ngwanešu Borders goba Billy, o tee, nako tše dingwe bobedi bja bona, ba kopakopanya dikarata tšela godimo pele ga lena, gomme morago ba le fa karata, e ka ba eng le e nyakago. Ga re tsebe, ba no... Yo a ka no hwetša nomoro tlhano, gomme *yola* yo mongwe a hwetša nomoro šupa, *yo* yo mongwe a hwetša nomoro lesometlhano, gomme *yola* yo mongwe masomesenyane tlhano, gomme ga re tsebe. Gomme gona, gape, ge ke etla, ke no, e ka ba kae go dutšego ka pelong ya ka, ke bitša go tloga fao, ga go kgathale ke kae. Ke no... Ge nka re... Dinako tše dingwe ke bala ke ba bakae mothalading, gomme ka e arola ka bale mo mothalading wo gomme ka hwetša karabo. Le a bona? Gomme gona, ge ke sa dire, gobaneng, ke no... e ka ba eng e tlago monaganong wa ka pele, ke a bitša.

¹⁴⁸ Nomoro tee. J, nomoro pedi. Nomoro pedi, nomoro tharo, nomoro nne, nomoro tlhano, nomoro tshela, šupa, seswai, senyane, lesome, anke ba tle, le a bona. Tee, pedi, tharo, nne, tlhano, tshela, šupa, seswai, senyane, lesome. Yeo e lokile. Yeo ke tsela, etla gabotse... Ema, yo mongwe o ile ka tsela ye nngwe. Ke be... Tee, pedi, tharo, nne, tlhano, tshela, šupa, seswai, senyane. Yeo ke nnete. Bjale, fa, yona še, lesome. Go lokile.

¹⁴⁹ Lesomettee, lesomepedi, lesometharo, lesomenne, lesometlhano. Ke ba bahlano gape. Tee, pedi, tharo, nne, tlhano. Gabotse, yeo e gabotse.

¹⁵⁰ Lesometshela, lesomešupa, lesomeseswai, lesomesenyane, masomepedi. Tee, pedi, tharo, nne. Ke bona feela ba bane. Masomepedi, a masomepedi e arabile? Go lokile. Bjale, ga re nyake go ba le ba bantši kudu ba eme ka nako e tee. Bjale ge re ka fetša ka ba, gomme go sa le ka pela go lekanelo, re tla ya go ba bangwe gape. Ga re bitše... Mohlomongwe re...

¹⁵¹ A re lekeng ba se bakae gape. A re lekeng ba bahlano gape. Masomepedi tee go ya go masomepedi tlhano, ka go di J, anke ba eme ge ba rata. Masomepedi tee go ya go masomepedi tlhano. Tee, pedi, tharo, moragorago ka morago, nne. Tee, pedi, tharo, nne, yeo ke tlhano. Ok, bjale a re no gomang fao. Go ne ba masomepedi tlhano mo mothalong, gomme ba—ba lokologane tlase fa.

¹⁵² Bjale ke ya go kgopela kgaogelo e tee. A le tla mpha ya lena ya go se arogane... Go fa Modimo šedi ya lena ya go se arogane, bakeng sa ye e latelago ye lesometlhano, metsotso ye lesometshela. A le tla dira seo? Gomme a le tla dira se, go bula pelo ya gago? Bjale elelwang se ke se boletšego. Se e lese ya ya ka kua ga mokokotlo wa gago, boka meetse a elela godimo ga mokokotlo wa lepidibidi, boka polelo ya kgale e le. Se direng seo. Hlokomedishišang Ye.

¹⁵³ Ge nka le botša e ka ba eng yeo e sego ka Lengwalong, le tshepišo bakeng sa iri, le tlemegile go bona molaodi fa le go tla go mpotša ka yona. Yeo ke nnete. Ga—ga ke rute selo eupša se se lego Lentšung. Gomme ge nka dula thwi le Lentšu lela, gomme ge nka re Ke tsela yeo, gomme Modimo... Go ka Beibeleng. Ge Morongwa wa Morena a mpoditše se sengwe seo se bego se se ka Beibeleng, go ka se be Morongwa wa Morena. Yeo ke nnete. Ga senke le mohla o tee A mpotša e ka ba eng eupša seo se bego se le ka Lentšung lela, gomme le a nthatsetša. Ga sa nke A bolela selo se tee, go tšwa go makgolo a dikete le dikete, le maleme a lefase, A kilego mohla o tee a boletše e ka ba eng ya phošo, goba a boletše e ka ba eng yeo e sa phethagalago.

¹⁵⁴ Theetšang. Botšišang molaodi le bona fa. Se le se bonago fa, ke magogorwane a seo. A yeo ke nnete, baena? [Baena ba re, “Nnete.”—Mor.] Gobaneng, ntle fale, le ntle bophelong bja sephiri, moo A rego, “Eya tlase lefelong *le*, gomme o bone *se*. Gomme *se* se tla direga. Gomme bolela *se* godimo fa, tlase *fa*.” Go no ba kgafetša, nako yohle, le a bona, ngwaga ka ngwaga. Batho ka go batheeletši ba no bona di—di dilo tše dinnyane. Eupša bjale ge le ka ba tlhomphokgolo.

¹⁵⁵ Bjale a yo mongwe le yo mongwe o ka go mothalo wo wa thapelo, a emego fa, basetsebjie go nna? Phagamišang diatla tša lena ge le le. Go lokile. Ke ba bakae ba lego ntle, ba tsebago gore ga ke tsebe selo ka wena? Phagamiša seatla sa gago. Bjale ge... Ke a le leboga. Ga ke kgathale moo o lego gona, ge eba o le godimo mathuding, morago go itshama ka leboto, tlase go theoga *fa*, e ka ba kae o lego. Ke ya go...

¹⁵⁶ Bjale, se se go loketše. Se se go go hola. Le a bona, se se go go hola.

¹⁵⁷ Ke naganne yola e be e le motlogolomorwa wa ka yo monnyane a bolelago le nna nako yeo, eupša e be e se. Ke ne motlogolomorwa ka fa felotsoko, bošegong bjo, a ka ba bogolo

bjoo, gomme ke naganne e be e le Paul yo monnyane. Ka mehla o rile o ya go tla, a eme sefaleng, a ntherele, gomme o no se be bogolo bja mengwaga ye mebedi. Ke nagana mošemane yola yo monnyane o tsoma mamagwe.

¹⁵⁸ Kafao elelwang, ke leka go le thuša. Ke . . . Modimo o tseba seo. Ke leka go le thuša, le a bona. Bjale lebelelang, ke nyaka le hwetše mohola, ge A ka tla magareng ga rena.

¹⁵⁹ Bjale naganang ka yona, Motho wa Jesu Kriste a šoma nameng, boka A tshepišitše O tla dira mo mafelelong. Ke ba bakae ba tsebago O tshepišitše seo? [Phuthego e re, "Amene."—Mor.] Feela boka go bile fale ka Sodoma, ge Morongwa ka mokokotlo wa Gagwe o retolotšwe, le . . . Yoo e be e le Modimo. A le a dumela gore yola e be e le Modimo? Ke ba bakae ba dumelago yola e be e le Modimo? ["Amene."] Kgonthe, e be e le. Beibele e rile e be e le. Gomme Yena, Jesu, o boletše ka yona. Bjale hlokamelang.

¹⁶⁰ Bjale lena ntle fale ka ntle le karata ya thapelo, ke nyaka o ntirele se sengwe, e ka ba kae o lego. Bjale elelwang, dilo tše, šetšang ge O go botša o fodišitše, goba se O go botšago go dira. Šetša se O se bolelago. Ge O no go botša, seo ke go aga tumelo ya gago. Gomme gona ge tumelo ya gago e etla go lefelo, o no obeletša ntle le go amogela Modimo. Ga se nna, gobane Tate wa Legodimong o a tseba.

¹⁶¹ Ke lebelela go theoga mothalo wo fa, ga ke bone motho o tee yoo ke mo tsebago. Ga ke bone eupša e ka ba ba babedi goba ba bararo batho ka go batheeletši ka moka, bao ke ba tsebago. Gomme ga ke tsebe bjalo ka, gonabjale, nka re, go bontšha o tee. Ke a tseba gore Edmund Way o be a le fa metsotsa e se mekae ya go feta. Ke naganne ke mmone, gomme ke—ke hlailwe . . .

¹⁶² Ge ke sa phoše, ke bona yo mongwe ke mo tsebago, ke monna le mosadimogatša wa gagwe, le mosetsana yo monnyane, a bitšwago Fritzinger, go tšwa godimo ka Ohio. A yoo, a ke wena Ngwa . . . yoo Ngwanešu Fritzinger? O dutše mohuta wa go ba ka go kobama gannyane moo . . . Yoo ke Ngwanešu le Kgaetšedi Fritzinger, go tšwa Ohio, bagwera ba ka.

¹⁶³ Gomme ka ntle ga seo, go dutšwe morago fale, ke . . . Ke bona ka lehlakoreng fa, ke mokgalabje a yelago bogolo bja mengwaga ye masomesenyane pedi, ka leina la William Dauch. Yena le mosadimogatša wa gagwe. Ke yena mooki. William Dauch, ka Ohio, mogwera wa ka wa sebele kudu. E se kgale kudu, o bile le, bogolo bja mengwaga ye masomesenyane tee, o bile le go palelwa ga pelo ga go felela, tlhaselo ya pelo, gomme mosadimogatša wa gagwe o nteleditše, go tla ka pela, o be a ehwa nako yeo. Gomme go . . .

¹⁶⁴ Yena ke mogwera wa ka yo bjalo wa hlogoyakgomo. Mo tseleng ya ka go yo mmone, ke be ke tshwenyegile. Gomme ke eme, gomme le lengwe la mabilo a ka le tšwile mothalong, le be le

ripaganya thaere ya ka ka diritswana, gomme ke ile ka go seteše sa Texaco, ke tšhetše makhura, gomme ba tla ntle, ba le lebelela. Gomme ke lebeletše godimo, gomme ke bone Ngwanešu Dauch a sepela go theoga go kgabola kereke ya ka, a šikinya seatla sa ka. Ke rile, “Tumišang Morena.” Gomme ke lebeletše morago ka tsela ye, gomme šo o a tla go theoga mokgotha, gomme o šikintše seatla sa ka. Ke ile go yena.

¹⁶⁵ Ke bone ngaka ya gagwe, mofsa wa Mojuda, monna wa mengwaga ya magareng, monna wa Mojuda. Gomme ke rile, “Ke eng ka yena, ngaka?”

¹⁶⁶ O rile, “Ebile ga a na le sebaka sa go lwa.” O rile, “O ka tlase ga tente ya oksitsene.” O rile, “O tla hwela thwi fale.” O rile, “Gopola, o bogolo bja mengwaga ye masomesenyane tee.”

Ke rile, “Ee, mohlomphegi.”

¹⁶⁷ O rile, “Ke go palelwa ga pelo ka go felela. Ga se gona se ka go dirwa.” O rile, “Ke nako go sepela.”

¹⁶⁸ Gomme ke rile, “Ee, mohlomphegi. Eupša, aowa, ga a ye. Seo ke phetho.”

¹⁶⁹ Ke tsene, ka bea seatla sa ka tlase ga tente. Ke rile, “Ngwanešu Dauch, a o kgona go nkwa?” O lebeletše godimo go nna. Bjale ka kgonthe, leineng la gagwe, ke Mojeremane, D-a-u-g-h, gomme ke no le bitša Dauch, le a bona. Gomme ke—gomme ke beile seatla sa ka ka tlase ga tente, gomme ke rile, “O a nkwa, Ngwanešu Dauch?”

Yena a re, “Ya.”

Ke rile, “Ga o sepele. Ke šetše ke bone ga o sepele.”

¹⁷⁰ Beke go tloga moo, ke eme ka kerekeng ya ka, ke mang a tlogo a sepela go rotoga kereke eupša Ngwanešu Dauch! Ke tlogetše kopano gomme ke ile godimo nokeng, khefing, go ja. Gomme ge ke etšwa ka koloing, gomme ke be ke sepela godimo mokgotheng, ſefa go tla Ngwanešu Dauch ka diatla tša gagwe di phurulotšwe. Tšona dipono ga di palelwe.

¹⁷¹ Gomme monna yola wa bogolo bja mengwaga ye masomesenyane tee, gomme o latela kopano ye nngwe le ye nngwe, o be a le ka California. A o ka no phagamiša seatla sa gago, Ngwanešu Dauch? o dutše fale, gore batho ba bone se lešole la kgonthe le lego sona bjale. Fa, a dutše thwi fa, le a bona, bogolo bja mengwaga ye masomesenyane tee, gomme o latela kopano ye nngwe le ye nngwe. Ge ke le tabarenekeleng, o otleta dimaele tše makgolo letšatši le lengwe le le lengwe, go nkwa ke rera theroye nnyane, le go ya morago. Modimo, “Go tla ba Seetša nakong ya mantšiboa.”

¹⁷² Ke rile, letšatši le lengwe ke be ke bolela le yena, ke rile, “Ke eng nka go direlago, Ngwanešu Dauch?”

¹⁷³ “Feela kgopelo e tee, Ngwanešu Branham. Ge A etla, ke nyaka go sepela le Yena.”

¹⁷⁴ Ke rile, “Se tshwenyege. Yeo e šireleditšwe. Kgonthe.” Bjale, monna o tla ka gare, o ile a kolobetšwa, oo, a tla ka gare gomme o amogetše kolobetšo ya Moya wo Mokgethwa le se sengwe le se sengwe, feela mohlanka wa go makatša wa Kriste.

¹⁷⁵ Bjale ke ya go kgopela yo mongwe le yo mongwe, go tlhomphokgolo ka kgonthe, o lebelela ka tsela ye le go rapela.

¹⁷⁶ Bjale ke barutiši ba bakae fa ba tsebago gore Yena ke Moprista yo Mogolo, gonabjale, yoo a ka kgwathwago ke maikutlo a mefokolo ya rena? [Phuthego e re, “Amene.”—Mor.] Gabotse, ge A swana maabane, lehono le go ya go ile, le Moprista Mogolo wa go swana, O tla dira ka tsela ya go swana. Feela, Yena, mmele wa Gagwe o kua . . . mo Teroneng ya Modimo. Ke ba bakae ba tsebago seo? [“Amene.”] Mmele wa Jesu o mo Teroneng ya Modimo. Eupša O šomiša mmele wa rena go iponagatša ka wona Yenamong, feela boka A tshepišitše go dira. “Mediro yeo Ke e dirago le lena le tla e dira.”

Ke ya go le kgopela go dula go iketla, go ba tlhomphokgolo, go šetša, go rapela.

¹⁷⁷ Bjale, Tate wa Legodimong, ke lekile go no ba tlhomphokgolo ka fao ke kgonago go dira, ka yona. Bjale feela lentšu go tšwa go Wena bjale, Morena, gomme gona anke sa go homola, Segalontšu se sennyane se theogelete go batheeletši ba gomme se re, “Ke Nna; se boifeng.” Efe, Tate. Gomme ke ikgafela nnamong go Wena, ka Molaetša woo o rerilwego bosegong bjo, ke Lentšu la Gago go tiišetšwa. Wena ga wa swanelwa go e dira. Eupša ge O o ka e dira, goba O direga go e dira, ka lebaka la gore O tshepišitše. Ke a rapela gore O tla fa ye, Leineng la Jesu. Amene.

¹⁷⁸ Gomme yo mongwe le yo mongwe tlhomphokgolo ka kgonthe, feela tlhomphokgolo ka kgonthe. Go bjang? Bjale ke tla le fa Lengwalo ge re sepela mmogo. Ge Morena a dira, ga ke tsebe. Eupša fe . . . Gomme ke be ke rera ka mokgwa wo, le a bona, woo ke mohuta wo mongwe wa tlotšo. Wo ke mohuta wo mongwe wa tlotšo. Yela e be e no ba tšhegofatšo. Ye, feela selo se tee, se no tšea bophelo thwi go tšwa go wena.

¹⁷⁹ Bjale mohumagadi o eme fa. Ga se ka ke ka mmona bophelong bja ka. A re basetsebane? Ke a dumela o boletše, nakwana ya go feta, ga se ke go tsebe. Modimo o a go tseba. O a ntseba. A o a tseba gore se re se emetšego fa bjale, re ya go swanelwa go se arabela mo Letšatšing la Kahlolo? [Kgaetsedi o re, “Amene.”—Mor.] O a lemoga? O a tseba gore se re se dirago bjale, Modimo o ya go re dira go se arabela godimo kua? Ke nno bolela seo ka morero. Bjale, ge Morena Jesu a ka nkutollela se o se dirago, se se lego monaganong wa gago, goba se sengwe boka seo, a o tla e dumela? O tla swanelwa go dumela seo, a o ka se ke? [“Amene.”]

¹⁸⁰ A o ka e dumela ntle fale, lena batheeletši? [Phuthego e re, “Amene.”—Mor.]

¹⁸¹ Bjale re eme feels tlwa boka mosadi mo sedibeng, le Morena wa rena, monna le mosadi ba kopana lekga la mathomo. O a bona? Ke rena ba, re kopana la . . . Yeo ke Mokgethwa Johane tema ya 4. Bjale ge Moya wo Mokgethwa o ka re . . . Ge eba o fa bakeng sa yo mongwe gape, ge eba o lwala, ge eba ke mathata a selapa, ge eba ke mathata a tša ditšelete, e ka ba eng e lego, ga ke ne kakanyo. Eupša O a dira. Eupša O kgona go hlatha dikgopolole tseo di lego pelong. Yena ke Lentšu. Nka se kgone. Ke nna motho. O no ba go tšhoga gannyane, gomme ke ka lebaka leo ke dira se, o a bona.

¹⁸² Bjoo ke bjo bongwe bja mathata a gago, ke letšhogo. Yeo ke nnete. Gomme gape o ne swikiri, seo ke selo se sengwe seo e lego phošo ka wena. Yeo ke nnete. Ditšharakano, feels dilo tše dintši di phošo. A yeo ke nnete? Ge eba yeo ke nnete, phagamiša seatla sa gago. O a bona? A o a dumela O tla go fodiša? [Kgaetšedi o re, “Ke a dira.”—Mor.] O a dira? Bjale, letšhogo la gago le hlotšwe ke bogolo bja gago, o a bona, eupša bjale tseo tšohle di tla go tlogela. Gomme ke dumela gore ka tumelo re tla ya Khalibari, go ba le tlabelo ya Madi.

¹⁸³ Bjale, seo e no ba tlwa se A se dirilego. O boditše mosadi sedibeng se bothata bja gagwe e bego e le. Bja gagwe e be e le bannabagatša ba bantši kudu. Bja gago e be e le se . . . Ke a nagana e be e le letšhogo, le dilo tše pedi goba tše tharo gape tša phošo ka wena. Yeo ke nnete, a ga se yona? Seo ke selo sa go swana.

¹⁸⁴ Bjale, ge A etla go Simone, O mmoditše o be a le mang. O a dumela Modimo a ka mpotša leina la gago ke mang? A go tla go dira o dumele kudu? Go tla dira? Mdi. Strong . . . [Kgaetšedi o re, “Stout.”—Mor.] Stout, a o ka dumela? Eya o dumele, gomme o . . . Go fedile. Amene.

¹⁸⁵ Etla. O a dumela? Gape ke mosetsebje go wena. Ga ke go tsebe. Modimo o a go tseba. A o a dumela gore A ka nkutollela se bothata bja gago e lego? Gomme ge A dira, gona Morena Modimo a šegofatšwe. A yeo ke therešo? [Kgaetšedi o re, “Ee, ke therešo.”—Mor.] Bjale ga—ga wa swanela go tshwenyega, o a bona, yoo ke—yoo ke Yena, gore o ikwele seo. Go lokile. Le wena o tlaišega go tšwa go seemo sa letšhogo, letšhogo la monagano, gomme o kgeilwa gabonolo. Gomme o tlaišega ka bothata bja se budula, se sengwe se phošo ka sebete, gomme o hloka madi. Yeo ke nnete. O ne se sengwe . . .

¹⁸⁶ Go no fela go le monna a tšwelela fa. A o a dumela gore Modimo a ka go fodiša? [Kgaetšedi o re, “Ee, ke a dira.”—Mor.] A fodiša monnamogatša wa gago, le yena, a mo fodiša? O nagana bothata bja mogodu bo tla tloga, gomme o tla ba gabotse? Ke seo

a tlaišegago ka sona. Eya o bee diatla godimo ga gagwe, o mmotše bjalo, gomme go tla—go tla mo tlogela.

¹⁸⁷ Ke mosetsebje go wena. Morena Jesu o a re tseba bobedi bja rena, a ga A? A o dumela gore Modimo a ka go fodiša? Ge Morena Jesu a ka nkutollela selo seo . . . seo o lego . . . seo se lego pelong ya gago, a o dumela gore O tla go fodiša? O bile le bothata tsoko. O ne bo—bo—bo bothata bja sabohloko, go selo se setee. Gomme selo se sengwe, se hlotše se budula sa gago go ba le seemo sa alesa, eupša seo ke se ngaka ya gago e se boletšego. Bjale, selo se sengwe ke, gore ba nyaka go go dira karo bakang sa seo. Seo ke nnete tlwa. A ga se therešo? Bjale a o a dumela A ka feta seo ka thoko? O nagana tumelo ya gago e ka go Yena? Bjale o a tseba seo ga se nna ke dirago seo. O a dumela? Go lokile. Sepela, gomme boka o dumetše, a go be bjalo go wena.

¹⁸⁸ Re basetsebane go ren a seng, ke a eleletša. Morena Modimo o tseba bobedi bja rena. A o a dumela O kgona go nkutollela dilo tše di ka go thušago? [Kgaetšedi o re, “Ee, ke a e tseba.”—Mor.] Wena, o a dumela O tla. [“Phosithife.”] Ke re . . . “Phosithife,” seo se gabotse kudu. Seo se lokile kudu. Bjale o ne dilo tše dintši tša phošo ka wena, ditšharakano le dilo tše dintši, le go gohlola boka, gomme ga o kgone go e fenya. Gomme o letšhogo kudu. Gomme—gomme yeo, yeo ke nnete.

¹⁸⁹ Gona, o ne morwalo pelong ya gago, gomme morwalo woo ke bakeng sa yo mongwe, e lego morwa wa gago. Gomme o ne bo—bo bothata, mathata a selapa. Yena le mosadimogatša wa gagwe, ka mehla ba a baka le go ya pele . . . ? . . . Gomme o ne morwalo bakeng sa seo. Seo ke nnete. Bjale dumela ka pelo ya gago yohle, gomme yohle e tla apoga gomme ya ba e ile. O a dumela bjale. Morena a go šegofatše.

¹⁹⁰ Go bjang, mohlomphegi? Ke mosetsebje go wena, gomme—gomme o mosetsebje go nna. Gomme go—go thoma . . . Dipono bjale, ke a bona, go bonala eke ntlo ka moka e no hwetša seetša, boka mohuta wa boka sesasedi se eya tikologong. O a bona? Eupša a o a dumela gore Morena Jesu a ka nkutollela se o se emetšego fao? O a dumela gore O tla dira? Ke dumela seo, le nna. Ke no bolela le wena, go kgokagana le moyo wa gago, tlwa ke se dirago bakeng sa sona. O a bona, ga ke go tsebe, kafao go swanetše go ba se sengwe ka ntle ga ka go e dira. Ke swanetše go no itloša nnamong ka go felela kgole go tloga go nnamong, gore A e dire Yenamong. O a kwešiša?

¹⁹¹ Bjale, selo se sengwe, o tlaišega ka seemo se sešoro sa letšhogo, gomme seemo se sa letšhogo se bile nako e rilego. Yeo ke nnete. [Ngwanešu o re, “Yeo ke nnete.”—Mor.] Gomme seemo seo sa letšhogo se go hloletše go ba le kgatelelo ya madi a magolo, gape. Gomme o bile le strouku. [“Yeo ke nnete.”] Yeo ke yona. E re, o ka no be o le moreri, goba o moreri. [“Ke yena.”] Bjale o moreri; ke go bona o eme mo phuluphithing. Gona, eba le tumelo

go Modimo, gomme letšhogo leo le tla go tlogela. Badiredi bohle ba ne seo. O tla ba gabotse. Eya morago go phuluphithi ya gago, gomme o obamele Modimo gomme o dule go rereša go Lentšu lela, Jesu Kriste.

¹⁹² O a dumela bothata bja mokokotlo wa gago bo go tlogile, o dutšego setulong? O a e dumela? [Kgaetšedi o re, “Ee.”—Mor.] Go lokile, mohlomphegi, gona nno tšwelapele o eya pele, o re, “Ke a Go leboga, Morena.”

¹⁹³ Etla, mohumagadi. Go bjang? O ntumela go ba mohlanka wa Gagwe? [Kgaetšedi o re, “Kgonthe ke a dira.”—Mor.] Go lokile. O a dumela bothata bjola bja mohumagadi, bothata bja sesadi, bo ya go go tlogela? [“Amene.”] O a dira? Gona eya pele, o re, “Ke a Go leboga, Morena.”

¹⁹⁴ Bothata bja pshio, bothata bja mokokotlo, mokotlong wa gago. A o a dumela gore Modimo o tla go fodiša le go go dira o fole, go tloga go bjoo? O a dumela gore O tla go fodiša? Go lokile, tše ya gago . . . ? . . .

¹⁹⁵ Etla, mohumagadi. Ke mosetsebje go wena. Ge nkabe ke se ke bolele selo go wena, le gannyane, o tla dumela gore Bogona bja Modimo bo fa go fodiša balwetši? [Kgaetšedi o re, “Ka kgonthe, ke a e dumela.”—Mor.] O tla? Gabotse, ge o dira, bothata bja gago bja mogodu . . . Ke šetše ke go boditše, o a bona. Bo—bo tlogile. Ke go boditše, o a bona. [“Ke leboga Modimo! Oo, ke a Go leboga, Jesu.”]

¹⁹⁶ Go bjang, mohlomphegi? Modimo o phela ka pelong. Gomme pelo ya gago e be e bontšha fa go se kgale, gampe. A o a dumela gore O tla e lokiša? Sepela tseleng ya gago gomme o e dumele. Modimo a go šegofatše. O a dumela; O tla e lokiša.

¹⁹⁷ O tšhogile, go go hloletše go ba le bothata bja mogodu, alesa ya mala. Bo a go tshwenya morago ga go ja. O a dumela bo tlogile bjohle bjale? Eya o ikhweletše se sengwe go ja.

¹⁹⁸ Mohuta wo thata go wena go tsoga, mokokotlo o be o go tshwenya kudu gampe. [Molwetši o re, “Ee, mohlomphegi.”—Mor.] Go ka se sa go tshwenya gape, ge o ka e dumela. A o tla? [“Ee, mohlomphegi.”] Go lokile, eya pele, gomme anke Morena Jesu a go dire o fole ka go felelela.

¹⁹⁹ Ke eng o e tšhogilego bjalo? E no ya pele, o re, “Ga ke sa ya go tšhoga gape,” gomme o ka se ke. Eya gomme o dumele. Go lokile, mohlomphegi.

²⁰⁰ Etla, mohumagadi. Bjale, mosadi wa Moethiopia, le monna yo mošweu, feela tlwa boka se sengwe boka seo se kopane ka letšatšing lela, Jesu. Ba bile le kgethologanyo boka ba be ba ne yona ka Borwa, eupša ga re sa na yona. Jesu o ba dirile ba tsebe gore batho bohle ba be ba le batho ba Modimo. Go be go se phapano, le a bona, ge eba o be a le Mojuda goba Mosamaria.

²⁰¹ Bjale, ge Modimo a ka se go thuše, gabotse ka pela atheraitise yela e tla go golofatša. Eupsa o a dumela O ya go go thuša, go go dira o fole? Feela boka mosadi a dirile, eya pele tseleng ya gago gomme o botše batho ba geno ka dilo tše kgolo Modimo a go diretšego. Go lokile.

Bjale, go ne mokari a le komana go tshwamolela thipa ntle.

²⁰² Feela nakwana. E be e se mosadi yo. Bjale, feela nakwana, yo mongwe le yo mongwe tlhomphokgolo bjale. Ke—ke Sathane, o lekile go dira se sengwe. Sona sese. Sekutu, sekutu bobedi bja lena. Yeo ke nnete. O ne sekutu, o ne sekutu, gomme diabolo yola a goeletša sebakeng sa thušo go tšwa go lena seng. Eupsa Moya wo Mokgethwa o a goeletša, le ona. Ke mang o yago go mo dumela, Yena? Go lokile. Emelela go tšwa mpetaneng woo, mohumagadi. Phagamela godimo go tšwa go leako leo. Emelela go tloga go leo, gomme o dumele. Eya, Mo dumele bjale. Amene.

²⁰³ A o a dumela? Dilo tšohle di a kgonega. A o a dumela? Go ka reng ka lena ka go batheeletši? [Phuthego le bao ba sa tšogo fodišwa bohole ba a hhalala—Mor.]

²⁰⁴ Anke re eme ka maoto a rena gonabjale. Thwi bjale ke nako go e dira. Anke motho yo mongwe le yo mongwe... Modimo a le šegofatše. Anke motho yo mongwe le yo mongwe a eme ka maoto a gago gonabjale. Efang Modimo tumišo. Phagamišang diatla tša lena.

²⁰⁵ Ke a Go leboga, Morena Jesu! Re a Go tumiša bakeng sa bja Gago bogolo, le phodišo ya Gago bakeng sa balwetši. [Phuthego e a hhalala—Mor.]



BOPAKI MO LEWATLENG NST64-0307
(A Testimony On The Sea)

Molaetša wo ka Ngwanešu William Marrion Branham, setlogong o abilwe ka Seisimane ka Mokibelo mantšiboa, Matšhe 7, 1964, ka Soul's Harbor Temple ka Dallas, Texas, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho photolelo e ngwadilwe gomme ya phatlatlatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org